





廿五ノ冊二

柳田文庫
文庫11
D 263
6





010190562021

文庫 11
D 263
6

後漢書卷之二十五

五行志三第十五

大水 冬雷

水變色 山鳴

大寒 魚孽

蝗 雹

五行傳曰簡宗廟不禱祠

鄭玄注曰虛危為宗廟

廢祭祀

鄭玄曰牽

逆天時

鄭玄曰月在星紀周以為正月在玄枵殷以為正皆不得四時之正逆天

牛主祭祀之性 則水不潤下

鄭玄曰君行此四者為逆天非宮之政也非宮於地

鄭玄曰君行此四者為逆天非宮之政也非宮於地

絕川澤以涸是為不潤 謂水失其性而為災也

謂水失其性而為災也 又曰聽之不聰是

謂不謀 鄭玄曰君聽不聰則不能謀其事也洪範曰聰作謀孔安國曰所謀必成當馬融曰上

於泉文序

聽則下厥咎急鄭玄曰君臣不謀則急矣易傳曰誅

進其謀也厥罰恒寒鄭玄曰聽曰水水主冬厥極貧鄭玄曰

故於人為貧時則有鼓妖鄭玄曰鼓之應也時則有魚孽鄭玄曰

生水而遊於水者也時則有豕禍鄭玄曰豕畜之居閑時則有

耳痲鄭玄曰聽氣失之病時則有黑眚黑祥惟火沴水魚孽劉

歆傳以為介蟲之孽謂蝗屬也月令章句曰介者甲也謂龜蟹之屬也古

今注曰光武建武四年東郡以北傷水七年六月戊

辰雒水盛溢至津城門帝自行水弘農都尉治折為

水所漂殺民溺傷稼壞廬舍二十四年六月丙申沛

國唯水逆流一日一夜止章帝建初八年六月癸巳

東昏城下池水變赤如血臣昭案諸史光武之時郡

國亦常有水災而志不載本紀八等秋大水又云是

歲大水今據杜林之傳列之孝和之前東觀書曰建

武八年間郡國比大水涌泉盈溢杜林以為倉卒時

兵擅權作威張氏雖皆降散猶尚有遺脫長吏制御

無術令得復熾元元侵陵之所致也上疏曰臣聞先

王無二道明聖用而治見惡如農夫之務去艸焉芟

夷蘊崇之絕其本根勿使能殖畏其易也古今通道

傳其法于有根狼子野心奔馬善驚成王深知其終

卒之患故以殷氏六族分伯禽七族分康叔懷姓九

宗分唐叔檢押其姦宄又遷其餘於成周舊地襍俗

且夕拘錄所以挫其強御之力詘其驕恣之節也及

漢初興上稽舊章合符重規徙齊諸田楚昭屈景燕

趙韓魏之後以稍弱六國強宗邑里無營利之家野

散其口救贍全其性命也昔魯隱有賢行將致國於桓公乃留連貪位不能早退况州創兵長卒無德能直以擾亂乘時擅權作威玉食世侯之意微幸之望曼延無足張步之計是也小民負縣官不過身死負兵家滅門殄世陛下昭然獨見成敗之端或屬諸侯宮府元元少得舉首仰視而尚遺脫二千石失制御之道令得復昌熾縱橫比年大雨潦暴長涌泉盈溢災壞城郭官寺吏民廬舍潰徙離處潰成坑坎臣聞水陰類也易卦地上有水比言性不相害故曰樂也而猥相毀墊淪失常敗百姓安居殆陰下相為蠹賊有大小負勝不齊均不得其所侵陵之象也詩云畏天之威于時保之唯陛下留神明察往來懼思天下幸甚謝承書曰陳宣子與沛國蕭人也剛猛性毅博學明魯詩遭王莽篡位隱處不仕光武即位徵拜諫議大夫建武十年雒水出造津城門校尉欲奏塞之宣曰昔周公卜雒以安宗廟為萬世基水不當入城門如為災異人主過而不可辭塞之無益昔東郡金堤大決水欲沒郡令吏民散走太守王尊以身勅

以住立不動水應時自消尊人臣尚修正弭災豈况朝廷中興聖主天所挺授水必不入言未絕水去上善其言後乘輿出宣列引在前行遲乘輿欲驅鉤宣車蓋使疾行御者墮車下宣前諫曰王者承天統地動有灑度車則和鸞步則佩玉動靜應天管孝文時邊方有獻千里馬者還而不受陛下宜上稽唐虞下以文帝為灑上納其言遂徐行案轡遷為河堤謁者以病免卒於家

和帝永元元年七月郡國九大水傷稼

穀梁傳曰高下有水災曰

大京房易傳曰顯事有知誅罰絕理厥災水其水也而殺人隕霜大風天黃饑而不損茲謂泰厥水水殺人辟遇有德茲謂狂厥水水流殺人已水則地生蟲歸獄不解茲謂追非厥水寒殺人追誅不解茲謂不

理厥水五穀不收大敗不解茲謂皆陰厥水流入國

邑隕霜殺穀春秋考異郵曰陰盛臣逆是時和帝幼

竇太后攝政其兄竇憲幹事及憲諸弟皆貴顯並作

威競虐嘗所怨恨輒任客殺之其後竇氏誅滅東觀書曰

十年五月丁巳京師大雨南山水流出至東郊壞民廬舍

十二年六月潁川大水傷稼是時和帝幸鄧貴人陰

有欲廢陰后之意陰后亦懷恚怨一日先是恭懷皇

后葬禮有闕竇太后崩後乃改殯梁后葬西陵徵舅

三人皆為列侯位特進賞賜累千金廣州先賢傳曰和帝時策問陰

陽不和或水或旱方正鬱林布衣養奮字叔高對曰天有陰陽陰陽有四時四時有政令春夏則予惠布

施寬仁秋冬則剛猛盛威行刑賞罰殺生各應其時則陰陽和四時調風雨時五穀升今則不然長吏多

不奉行時令為政舉事干逆天氣上不卹下下不忠上百姓困乏而不卹哀衆怨鬱積故陰陽不和風雨

不時災害緣類水者陰盛小人居位依公營私讒言誦上雨漫溢者五穀有不升而賦稅不為減百姓虛

竭家有愁心也

殤帝延平元年五月郡國三十七大水傷稼董仲舒

曰水者陰氣盛也是時帝在襁抱鄧太后專政臣昭案本

紀是年九月六州大水泰山松書曰六州河濟渭雒洧水盛長泛溢傷秋稼

安帝永初元年冬十月辛酉河南新城山水蹶出突

壞民田壞處泉水出深三丈是時司空周章等以鄧太后不立皇太子勝而立清河王子故謀欲廢置十一月事覺章等被誅是年郡國四十一水出漂沒民人謝沈書曰死者以千數讖曰水者純陰之精也陰氣盛洋溢者小人專制擅權妬疾賢者依公結私侵乘君子小人席勝失懷得志故涌水為災

二年大水臣昭案本紀京師及郡國四十有水周嘉傳是夏旱嘉收糞客死骸骨應時澍雨歲

乃豐稔則水不為災也

三年大水臣昭案本紀京師及郡國四十一雨水

四年大水臣昭案本紀云三郡

五年大水臣昭案本紀郡國八

六年河東池水變色皆赤如血水變占曰水化為血者好任殘賊殺戮不

辜延及親戚是時鄧太后猶專政古今注曰元初二年潁川襄城流水

化為血京房占曰流水化為血兵且起以日辰占與其色博物記曰江河水赤占曰泣血道路涉蘇於河

處以

延光三年大水流殺民人傷苗稼是時安帝信江京

樊豐及河母王聖等讒言免太尉楊震廢皇太子臣昭

案左雄傳順帝永建四年司冀二州大水傷禾稼楊厚傳永和元年夏雒陽暴水殺千餘人

質帝本初元年五月海水溢樂安北海溺殺人物是

時帝幼梁太后專政春秋漢合孽曰九卿阿黨擠排正直驕奢僭害則江河潰決方

儲對策曰民悲怨則陰類強河決海澹地動土涌

桓帝建和二年七月京師大水去年冬梁冀枉殺故

太尉李固杜喬

三年八月京都大水是時梁太后猶專政

永興元年秋河水溢漂害人物臣昭案朱穆傳云漂害數千萬戶京房占

曰江河溢者天有制度地有里數懷容水澤浸漑萬物今溢者明在位者不勝任也三公之禍不能容也率執法者利刑罰不用常法

二年六月彭城泗水增長逆流梁冀別傳曰冀之專政天為見異眾災並

湊蝗蟲滋生河水逆流五星失次太白經天人民疾疫出入六年羌戎叛戾盜賊略平皆冀所致敦煌實錄張衡對策曰水者五行之首滯而逆流者人君之恩不能下及而教逆也潛潭巴曰水逆者反命也宜修德以應之

永壽元年六月雒水溢至津陽城門漂流人物臣昭案本

紀又南陽大水是時梁皇后兄冀秉政疾害忠直威權震主後遂誅滅

延熹八年四月濟北水清九年四月濟陰東郡濟北平原河水清襄楷上言河者諸侯之象清者陽明之

徵豈獨諸侯有規京都計邪其明年宮車晏駕徵解犢亭侯為漢嗣即尊位是為孝靈皇帝

永康元年八月六州大水勃海海溢沒殺人是時桓

帝奢侈淫祀其十一月崩無嗣

靈帝建寧四年二月河水清

袁山松書曰禱于龍壘

五月山水

大出漂壞廬舍五百餘家

袁山松書曰是河東水暴出也

熹平二年六月東萊北海海水溢出漂沒人物三年

秋雒水出四年夏郡國三水傷害秋稼

光和六年秋金城河溢水出二十餘里

中平五年郡國六水大出

臣昭案袁山松書曰山陽梁沛彭城下邳東海琅邪

則是七郡

獻帝建安二年九月漢水流害民人是時天下大亂

袁山松書曰曹操專政十七年七月大水涌水溢

十八年六月大水

獻帝起居注曰七月大水上親避正殿八月以雨不止且還殿

二

十四年八月漢水溢流害民人

袁山松書曰明年禪位于魏也

庶徵之恒寒

靈帝光和六年冬大寒北海東萊琅邪井中冰厚尺

餘

袁山松書曰是時羣賊起天下始亂讖曰寒者小人暴虐專權居位無道有位譴罰無法又殺無罪

其寒必
暴殺

獻帝初平四年六月寒風如冬時袁山松書曰時帝流遷失政養奮對

策曰當溫而寒刑罰慘也

和帝永元五年六月郡國三雨雹大如雞子春秋考異郵曰

陰氣之專精凝合生雹雹之為言合也以妾為妻大尊重九女之妃闕而不歸坐不離前無由相去之心同輿參駟房社之內歡於樂專政夫人施而不博陰精凝而見成易識曰凡雹者過由人君惡聞其過抑賢不揚內與邪人通取財利蔽賢施之並當雨不雨故反雹下也是時和帝用酷吏

周紆為司隸校尉刑誅深刻古今注曰光武建武十年十月戊辰樂浪上谷

雨雹傷稼十二年河南平陽雨雹大如杯壞敗吏民廬舍十五年十二月乙卯鉅鹿雨雹傷稼永平三年

八月郡國十二雨雹傷稼十年郡國十八或雨雹蝗易緯曰夏雹者治道煩苛繇役急促教令數變無有常法不救為兵強臣逆謀蝗蟲傷穀救之舉賢良爵有功務寬大無誅罰則災除

安帝永初元年雨雹二年雨雹大如雞子三年雨雹

大如鴈子傷稼劉向以為雹陰脅陽也是時鄧太后

以陰專陽政

元初四年六月戊辰郡國三雨雹大如杆杯及雞子

殺六畜古今注曰樂安雹如杆殺人京房占曰夏雨雹天下兵大作

延光元年四月郡國二十一雨雹大如雞子傷稼是

時安帝信讒無辜死者多臣昭案尹敏傳是歲河西大雨雹如斗安帝見孔季

彥問其故對曰此皆陰乘陽之徵也今貴臣三年雨
擅權母后黨盛陛下宜脩聖德慮此二者也

桓帝延熹四年五月己卯京師雨雹大如雞子是時

桓帝誅殺過差又寵小人

七年五月己丑京都雨雹是時皇后鄧氏僭侈驕恣

專幸明年廢以憂死其家皆誅

靈帝建寧二年四月雨雹四年五月河東雨雹

光和四年六月雨雹大如雞子具寺常侍黃門用權

中平二年四月庚戌雨雹傷稼

獻帝初平四年六月右扶風雹如斗

袁山松書曰雹殺人前後雨雹

此最為大時天下潰亂

和帝元興元年冬十一月壬午郡國四冬雷是時皇

子數不遂皆隱之民間是歲宮車晏駕殤帝生百餘

日立以為君帝兄有疾封為平原王卒皆夭無嗣

古今

注曰光武建武十年遼東冬雷草木實

殤帝延平元年九月乙亥陳留有石隕地四

臣昭案天文志

末已載石隕未解此篇所以重記石與雷隕俱者九月雷未為異桓帝亦有此隕後不兼載於是為常古今注曰章帝建初四年五月戊寅穎陰石從天墜大如鐵鑕色黑始下時聲如雷

安帝永初六年十月丙戌郡六冬雷

京房占曰天冬雷地必震又曰

教令擾又曰雷以十一月起黃鍾二月大聲八月闔藏此以春夏殺無辜不須冬刑致災蟄蟲出行不救之則冬溫風以其來年疾病其救也恤幼孤振不足議獄刑貲謫罰災則消矣古今注曰明帝永平七年十月丙子

七年十月戊子郡國三冬雷

元初元年十月癸巳郡國三冬雷三年十月辛亥汝

南樂浪冬雷四年十月辛酉郡國五冬雷六年十月

丙子郡國五冬雷

永寧元年十月郡國七冬雷

建光元年十月郡國七冬雷

延光四年郡國十九冬雷是時太后攝政上無所與

太后既崩阿母王聖及皇后兄閭顯兄弟更秉威權

上遂不親萬機從容寬仁任臣下

古今注曰順帝永和四年四月戊午

雷震擊高廟世祖廟外槐樹

桓帝建和三年六月乙卯雷震憲陵寢屋先是梁太

后聽兄冀枉殺李固杜喬

靈帝熹平六年冬十月東萊大雷中平四年十二月

晦雨水大雷電雹

獻帝初平三年五月丙申無雲而雷四年五月癸酉無雲而雷

建安七八年中長沙醴陵縣有大山常大鳴如牛响

聲積數年後豫章賊攻沒醴陵縣殺略吏民于寶曰論語擿

輔像曰山土崩川閉塞漂淪移山鼓哭閉衡夷庶桀合兵王作時天下尚亂豪桀並爭曹操事二袁於河北孫吳創基於江外劉表阻亂眾於襄陽南招零桂北割漢川又以黃祖為爪牙而祖與孫氏為深讎兵革歲交十年曹操破袁譚於南皮十一年走袁尚於遼東十三年吳禽黃祖是歲劉表死曹操略荊州逐劉備於當陽十四年吳破曹操於赤壁是三雄者卒共三分天下成帝王之業是所謂度桀合兵王作者也十六年劉備入蜀與吳再爭荊州於時戰爭四分五裂之地荊州為剗故山鳴之異作其域也

靈帝熹平二年東萊海出大魚二枚長八九丈高二

丈餘明年中山王暢任城王博竝薨京房易傳曰海出巨魚邪人進

賢人疏臣昭謂此占符靈帝之世巨魚之出於是為徵寧獨二王之妖也

和帝永元四年蝗臣昭案本紀光武建武六年詔稱往歲水旱蝗蟲為災古今注曰建

武二十二年三月京師郡國十九蝗二十三年京師郡國十八大蝗旱草木盡二十八年三月郡國八十三十年六月郡國十二大蝗三十一年郡國大蝗中元元年三月郡國十六大蝗永平四年十二月酒泉大蝗從塞外入謝承書曰永平十五年蝗起泰山彌行兗豫謝沈書鍾離意譏起北宮表云未數年豫章遭蝗穀不收民飢死縣數千百人

八年五月河內陳留蝗九月京都蝗九年蝗從夏至秋先是

西羌數反遣將軍將北軍五校征之

安帝永初四年夏蝗是時西羌寇亂軍衆征距連十

餘年識曰主失禮煩苛則旱之魚螺變為蝗蟲五年夏九州蝗京房占曰天生萬物

百穀以給民用天地之性人為貴今蝗蟲四起此為國多邪人朝無忠臣蟲與民爭食居位食祿如蟲矣

不救致兵起其救也舉有道置於位命諸侯試明經此消災也六年三月去蝗處復

蝗子生古今注曰郡國四十八蝗七年夏蝗

元初元年夏郡國五蝗二年夏郡國二十蝗

延光元年六月郡國蝗

順帝永建五年郡國十二蝗是時鮮卑寇朔方用衆

征之

永和元年秋七月偃師蝗去年冬烏桓寇沙南用衆

征之

桓帝永興元年七月郡國三十二蝗是時梁冀秉政

無謀憲苟貪權作虐春秋考異郵曰貪擾生蝗二年六月京都蝗

永壽二年六月京都蝗

延熹元年五月京都蝗臣昭案劉歆傳皆逆天時聽不聽之過也養奮對策曰佞

邪以不正食祿饗所致謝沈書曰九年揚州六郡連水旱蝗害也

靈帝熹平六年夏七州蝗先是鮮卑前後三十餘犯

塞是歲護烏桓校尉夏育破鮮卑中郎將田晏使匈奴中郎將臧旻將南單于以下三道竝出討鮮卑大司農經用不足殷歛郡國以給軍糧三將無功還者少半

光和元年詔策問曰連年蝗蟲至冬踊其咎焉在蔡邕對曰臣聞易傳曰大作不時天降災厥咎蝗蟲來河圖祕徵篇曰帝貪則政暴而吏酷酷則誅深必殺主蝗蟲蝗蟲貪苛之所致也是時百官遷徙皆私上禮西園以為府

蔡邕對曰蝗蟲出息不急之作省賦歛之費進清仁黜貪虐分損承安屈

省別藏以贍國用則其救也易曰得臣無家言有天下者何私家之有

獻帝興平元年夏大蝗是時天下大亂

建安二年五月蝗

稼穡不成謂土失其性而為災也又曰思心不容是

十日十七日

謂不聖厥咎霧厥罰恒風厥極凶短折時則有暗夜之妖時則有華孽時則有牛禍時則有心腹之病時則有黃青黃祥惟金水木火沙土華孽劉歆傳為厲蟲之孽謂蝗屬也

世祖建武二十二年九月郡國四十二地震南陽尤

塞是歲護烏桓校尉夏育破鮮卑中郎將田晏使匈奴中郎將威震將同置下以下三直立出寸羊邑大

司

元和元年詔策問曰連年

對曰臣聞易傳曰大作不

漢文二年正月日豐貪則政

熹帝興平六年夏大豐是

臣無定言天不音何

後漢書卷之二十六

五行志四第十六

地震 山崩 地陷 大風拔樹 蟻 牛疫

五行傳曰治宮室飾臺榭內淫亂犯親戚侮父兄則稼穡不成謂土失其性而為災也又曰思心不容是謂不聖厥咎霧厥罰恒風厥極凶短折時則有脂夜之妖時則有華孽時則有牛禍時則有心腹之病時則有黃青黃祥惟金水木火沴土華孽劉歆傳為羸蟲之孽謂螟屬也

世祖建武二十二年九月郡國四十二地震南陽尤

甚地裂壓殺人其後武谿蠻夷反爲寇害至南郡發
荊州諸郡兵遣武威將軍劉尚擊之爲夷所圍復發
兵赴之尚遂爲所沒

章帝建初元年三月甲申山陽東平地震

和帝永元四年六月丙辰郡國十三地震春秋漢合
孳曰女主盛臣制命則地動圻畔震起山崩淪是時
竇太后攝政兄竇憲專權將以是受禍也後五日詔
收憲印綬兄弟就國逼迫皆自殺

五年二月戊午隴西地震儒說民安土者也將大動
行大震九月匈奴單于於除難鞬叛遣使發邊郡兵
討之

七年九月癸卯京都地震儒說奄官無陽施猶婦人
也是時和帝與中常侍鄭衆謀奪竇氏權德之因任
用之及幸常侍蔡倫二人始並用權
九年三月庚辰隴西地震閏月塞外羌犯塞殺略吏
民使征西將軍劉尚擊之

安帝永初元年郡國十八地震李固曰地者陰也法
當安靜今乃越陰之職專陽之政故應以震動是時

鄧太后攝政專事，訖建光中，太后崩，安帝乃得制政。於是陰類並勝，西羌亂，夏連十餘年。二年，郡國十二地震。三年十二月辛酉，郡國九地震。四年三月癸巳，郡國四地震。五年正月丙戌，郡國十地震。七年正月壬寅二月丙午，郡國十八地震。元初元年，郡國十五地震。二年十一月庚申，郡國十地震。三年二月，郡國十地震。十一月癸卯，郡國九地震。四年，郡國十三地震。五年，郡國十四地震。六年二月乙巳，京都郡國四十二地震。或地坼裂，涌水，敗壞城郭，民室屋壓人。冬，郡國八地震。永寧元年，郡國二十三地震。

建光元年九月己丑，郡國三十五地震。或地坼裂，壞城郭，室屋壓殺人。是時安帝不能明察，信宮人及阿母聖等讒云：破壞鄧太后家。於是專聽信聖及宦者中常侍江京、樊豐等，皆得擅權。延光元年七月癸卯，京都郡國十三地震。九月戊申，郡國二十七地震。二年，京都郡國三十二地震。三年，京都郡國二十三地震。是時以讒免太尉楊震，廢太子。四年十月丁巳，京都郡國十六地震。時安帝既崩，閹太后攝政，兄弟閹

後漢書卷三十一 五行志 三
顯等竝用事遂斥安帝子更徵諸國王子未至中黃門遂誅顯兄弟

順帝永建三年正月丙子京都漢陽地震漢陽屋壞殺人地坼涌水出是時順帝阿母宋娥及中常侍張昉等用權陽嘉二年四月己亥京都地震是時爵號宋娥爲山陽君四年十二月甲寅京都地震永和二年四月庚申京都地震是時宋娥構姦誣罔五月事覺收印綾歸田里十一月丁卯京都地震是時太尉王龔以中常侍張昉等專弄國權欲奏誅之時龔宗親有以楊震行事諫之止云

三年二月乙亥京都金城隴西地震裂城郭室屋多壞壓殺人閏月己酉京都地震十月西羌二千餘騎入金城塞爲涼州害四年三月乙亥京都地震五年二月戊申京都地震

建康元年正月涼州都郡六地震從去年九月以來至四月凡百八十日震山谷坼裂壞敗城寺傷害人物三月護羌校尉趙冲爲叛胡所殺九月丙午京都地震是時順帝崩梁太后攝政欲爲順帝作陵制度

奢廣多壞吏民冢尚書樂巴諫事太后怒癸卯詔書收巴下獄欲殺之丙午地震於是太后乃出巴免爲庶人

桓帝建和元年四月庚寅京都地震九月丁卯京都地震是時梁太后攝政兄冀持權至和平元年太后崩然冀猶秉政專事至延熹二年乃誅滅三年九月巳卯地震庚寅又震元嘉元年十一月辛巳京都地震二年正月丙辰京都地震十月乙亥京都地震永興二年二月癸卯京都地震永壽二年十二月京都

地震延熹四年京都右扶風涼州地震五年五月乙亥京都地震是時桓帝與中常侍單超等謀誅除梁冀聽之德並使用事專權又鄧皇后本小人性行無恒苟有顏色立以爲后後卒坐執左道廢以憂死八年九月丁未京都地震

靈帝建寧四年二月癸卯地震是時中常侍曹節王甫等皆專權熹平二年六月地震六年十月辛丑地震光和元年二月辛未地震四月丙辰地震靈帝時宦者專恣二年三月京兆地震

三年自秋至明年春酒泉表氏地八十餘動涌水出城中官寺民舍皆頓縣易處更築城郭

獻帝初平二年六月丙戌地震興平元年六月丁丑地震

和帝永元元年七月會稽南山崩會稽南方大名山也京房易傳曰山崩陰乘陽弱勝強也劉向以爲山陽君也水陰民也君道崩壞百姓失所也劉歆以爲崩猶地也是時竇太后攝政兄竇憲專權

七年七月趙國易陽地裂京房易傳曰地裂者臣下分離不肯相從也是時南單于衆乖離漢軍追討十二年夏閏四月戊辰南郡秭歸山高四百丈崩填谿殺百餘人明年冬至蠻夷反遣使募荊州吏民萬餘人擊之

元興元年五月癸酉右扶風雍地裂是後西羌大寇涼州

殤帝延平元年五月壬辰河東恒山崩是時鄧太后專政秋八月殤帝崩

安帝永初元年六月丁巳河東楊地陷東西百四十

後漢書卷三十一 五行志
步南北百二十步深三丈五尺

六年六月壬辰豫章員谿原山崩各六十三所

元初元年三月己卯日南地坼長百八十二里其後

三年正月蒼梧鬱林合浦盜賊羣起劫略吏民

二年六月河南雒陽新城地裂

延光二年七月丹陽山崩四十七所

三年六月庚午巴郡閬中山崩

四年十月丙午蜀郡越雋山崩殺四百餘人丙午天

子會日也是時閻太后攝政其十一月中黃門孫程

等殺江京立順帝誅閻后兄弟明年閻后崩

順帝陽嘉二年六月丁丑雒陽宣德亭地坼長八十

五丈近郊地時李固對策以爲陰類專恣將有分離

之象所以附郊城者是上帝示象以誠陛下也是時

宋娥及中常侍各用權分爭後中常侍張達遽政與

大將軍梁商爭權爲商作飛語欲陷之

桓帝建和元年四月郡國六地裂水涌出井溢壞寺

屋殺人時梁太后攝政兄冀枉殺李固杜喬

三年郡國五山崩和平元年七月廣漢梓潼山崩永

後漢書卷三十一 五行志
興二年六月東海胸山崩冬十二月泰山琅邪盜賊羣起

永壽三年七月河東地裂時梁皇后兄冀秉政桓帝欲自由內患之延熹元年七月乙巳左馮翊雲陽地裂

三年五月戊申漢中山崩是時上寵恣中常侍單超等

四年六月庚子泰山博尤來山判解
八年六月丙辰緱氏地裂

永康元年五月丙午雒陽高平永壽亭上黨汝

工玄

氏地各裂是時朝臣患中常侍王甫等專恣冬桓帝崩明年竇氏等欲誅常侍黃門不果更爲所誅

靈帝建寧四年五月河東地裂十二處裂合長十里百七十步廣者三十餘步深不見底

和帝永元五年五月戊寅南陽大風拔樹木

安帝永初元年大風拔樹是時鄧太后攝政以清河王子年少號精耳故立之是爲安帝不立皇太子勝以爲安帝賢必當德鄧氏也後安帝親讒廢免鄧氏

後漢書卷三十一 五行志
令郡縣迫切死者八九人家至破壞此爲警霧也是
後西羌亦大亂涼州十有餘年

二年六月京都及郡國四十八大風拔樹三年五月
癸酉京都大風拔南郊道梓樹九十六枚七年八月
丙寅京都大風拔樹元初二年二月癸亥京都大風
拔樹六年夏四月沛國勃海大風拔樹三萬餘枚

延光二年三月丙申河東潁川大風拔樹六月壬午
郡國十一大風拔樹是時安帝親讒曲直不分三年
京都及郡國三十六 大風 拔樹

靈帝建寧二年四月癸巳京都大風雨雹拔郊道樹
十圍已上百餘枚其後晨迎氣東郊道於雒水西橋
逢暴風雨道鹵薄車或發蓋百官霑濡還不至郊使
有司行禮迎氣西郊亦壹如此

中平五年六月丙寅大風拔樹

獻帝初平四年六月右扶風大風發屋拔木

中興以來脂夜之妖無錄者

章帝七八年間郡縣大螟傷稼語在魯恭傳而紀不
錄也是時章帝用竇皇后讒害宋梁二貴人廢皇太

子。

靈帝熹平四年六月弘農三輔螟蟲爲害是時靈帝用中常侍曹節等讒言禁錮海內清英之士謂之黨人。

中平二年七月三輔螟蟲爲害。

明帝永平十八年牛疫死是歲遣竇固等征西域置都護戊巳校尉固適還而西域叛殺都護陳睦戊巳校尉關寵於是大怒欲復發興討會秋明帝崩是思心不容也。

章帝建初四年冬京都牛大疫是時竇皇后以宋貴人子爲太子寵幸令人求伺貴人過隙以讒毀之章帝不知竇太后不善厥咎霧也或曰是年六月馬太后崩土功非時典故也。

十一月十七日午時也

後漢書卷之二十六

後漢書卷之二十七

五行志五第十七

射妖人痲

龍蛇孽人化

馬禍死復生

疫投蜺

五行傳曰皇之不極是謂不建

尚書大傳皇作王鄭玄曰王君也不名體

而言王者五事象五行則王極象天也天變化為陰
為陽覆成五行經曰曆象日月星辰敬授民時論語
曰為政以德譬如北辰是則天之為道於人政也孔子
說春秋曰政以不由王出不得為政則王君出政之
號也極中也建立也王象天以性情覆成五事為中
和之政也王建其有中則不能立其事也古文尚
書皇極皇建其有極孔安國曰大中之道大立其有
中謂行九疇之義馬融對策曰大中之道在天為北
辰在地厥咎眊尚書大傳作禘鄭玄曰禘與思心之
為人君厥咎眊咎同耳故傳曰眊眊亂也君臣不立

則上下亂矣字林曰目少精曰眊厥罰恒陰鄭玄曰王極象天天陰養萬物陰氣失故常陰

厥極弱鄭玄曰天為剛德剛氣失故于人為弱易說位而無輔此之謂也時則有射妖鄭玄曰射王極之度也射人將發矢必先

弱或云懦不敬也於此儀之發則中於彼矣君將出政亦先時則有龍

於朝廷度之出則應於民心射其象也也射人將發矢必先時則有龍

蛇之孽鄭玄曰龍蟲之生於淵行無形遊於天者也屬天地龍之類也或曰龍無角者曰蛇時

則有馬禍鄭玄曰天行健馬畜也屬王極時則有下人伐上之

痾鄭玄曰夏侯勝說伐宜為代書亦或作代陰陽之神曰精氣情性之神曰魂魄君行不由常併張無

度則是魂魄傷也王極氣失之病也天於不中之人恒者其毒增以為病將以開賢代之也春秋傳所謂

奪伯有魄者是也不名病者病不著於身體也時則有日月亂行星辰逆行

白失鄭玄曰亂謂薄食鬪竝見逆謂縮反明經天守舍之類也太公六韜曰人主好武事兵革則日月薄食太

行皇君也極中也眊不明也說曰此沴天也不言

沴天者至尊之辭也春秋王師敗績以自敗為文

恒陰中興以來無錄者臣昭案本傳陽嘉二年郎顛上書云正月以來陰闇連日

久陰不雨亂氣也得賢不用猶久陰不雨也

靈帝光和中雒陽男子夜龍以弓箭射北闕吏收考

問辭居貧負責無所聊生因買弓箭以射近射妖也

風俗通曰龍從兄陽求臘錢龍假取繁數頗厭患之陽與錢于龍意不滿欲破陽家因持弓矢射玄武東闕三發吏士呵縛首服因是遣中常侍尚書御史中丞直事御史謁者衛尉司隸河南尹雒陽令悉會發

所劾時為太尉議曹掾白公鄧盛夫禮設闕觀所以
飾門章於至尊懸諸象魏示民禮法也故車過者下
步過者趨今龍乃敢射闕意慢事醜次於大逆宜遣
主者參問變狀公曰府不主盜賊當與諸府相候劾
曰丞相邴吉以為道路死傷既往之事京兆長安職
所窮逐而住車問牛喘吐舌者豈輕人而貴畜哉頗
念陰陽不和必有所害掾史爾乃悅服漢書嘉其達
大體今龍所犯然中外奔波邴吉防患太豫况於已
形昭晰者哉明公既處宰相大任加掌兵戎之職凡
在荒裔謂之大事何有近目下而致逆節之萌者孔
子攝魯司寇非常卿也折僭溢之端消纖介之漸從
政三月惡人走境邑門不闔外收強齊侵地內虧三
桓之威區區小國尚於趨舍大漢之朝焉可無乎明
公恬然謂非已詩云儀刑文王萬國作孚當為人制
法何必取法於人於是公意大悟遣令史謝申以鈴
下規應掾自行之還具條奏時靈帝詔報惡惡止其
身龍以重論
其後車騎將軍何苗與兄大將軍進部
之陽不坐

兵還相猜疑對相攻擊戰於闕下苗死兵敗殺數千

人雒陽宮室內人燒盡應邵曰龍者陽類君之象也夜者不明之應也此其象也

安帝延光三年濟南言黃龍見歷城琅邪言黃龍見

諸是時安帝聽讒免太尉楊震震自殺又帝獨有一

子以為太子信讒廢之是皇不中故有龍孽是時多

用佞媚故以為瑞應明年正月東郡又言黃龍二見

濮陽

桓帝于寶搜神記曰桓帝即位有大蛇見德陽殿上

雒陽市令淳于翼曰蛇有鱗甲兵之象也見於省中將有椒房大臣受甲兵之誅也乃棄官遁去到延熹二年誅大將軍梁冀捕治宗屬揚兵京師也

延熹七年六月壬子河內野王山上有龍歿長可數

十丈表山松書曰長可百餘丈襄楷以為夫龍者為帝王瑞易論

大人天鳳中黃山宮有歿龍漢兵誅莽而世祖復興

此易代之徵也至建安二十五年魏文帝代漢臣昭曰夫

屈中躍見變化無方非顯死之體橫強之畜易況大聖實類君道野王之異豈桓帝將崩之表乎妖等占殊其例斯衆苟欲附會以同天鳳則帝涉三主年踰五十此為迂闊將恐非徵矣

永康元年八月巴郡言黃龍見時吏傅堅以郡欲上

言內白事以為走卒戲語不可太守不聽嘗見堅語

云時民以天熱欲就池浴見池水濁因戲相恐此中

有黃龍語遂行人間聞郡欲以為美故言時史以書

帝紀桓帝時政治衰缺而在所多言瑞應皆此類也

又先儒言瑞與非時則為妖孽而民訛言生龍語皆

龍孽也

熹平元年四月甲午青蛇見御坐上是時靈帝委任

宦者王室微弱楊賜諫曰皇極不建則有龍蛇之孽詩云惟虺惟蛇女子之祥宜抑皇甫

之權割豔妻之愛則蛇變可消者也案張奐傳建寧二年夏青蛇見御坐軒前奐上疏陳蕃竇武未被明宥妖青之來皆為此也敦煌實錄曰蛇長六尺夜於御前當軒而見

更始二年二月發雒陽欲入長安司直李松奉引車

奔觸北宮鐵柱門三馬皆死馬禍也時更始失道將
亾

桓帝延熹五年四月驚馬與逸象突入宮殿近馬禍
也是時桓帝政衰缺

靈帝光和元年司徒長史馮巡馬生人風俗通曰巡

養馬胡蒼頭乃京房易傳曰上亡天子諸侯相伐厥

妖馬生人後馮巡遷其陵相黃巾初起為所殘殺而

國家亦四面受敵其後關東州郡各舉義兵卒相攻

伐天子西移王政隔塞其占與京房同

光和中雒陽水西橋民馬逸走遂齧殺人是時公卿

大臣及左右數有被誅者

安帝永初元年十一月戊子民轉相驚走棄什物去

廬舍

靈帝建寧三年春河內婦食夫河南夫食婦臣昭曰

食夫妻不同在河南北每見死異斯豈怪妖復有微
乎河者經天亘地之水也河內河之陽也夫婦參配
陰陽判合成體今以夫之尊在河之陽而陰承體卑
吞食尊陽將非君道昏弱無居剛之德遂為陰細之
人所能消毀乎河南河之陰河視諸侯夫亦惟家之
主而自食正內之人時宋皇后將立而靈帝一聽闔
宦無所厝心夫以宮房之愛惡亦不全中懷抱宋后
終廢王甫挾姦陰中列侯實應厥位天戒若曰徒隨

閻豎之意夫
嗽其妻乎

熹平二年六月雒陽民訛言虎賁寺東壁中有黃人

形容鬚眉良是觀者數萬省內悉出道路斷絕應劭時為

郎風俗通曰劭故往視之何在其有人也走漏汚處
膩楮流漉壁有他剝數寸曲折耳劭又通之曰季夏

土黃中行用事又在壁中壁亦土也以見于虎賁寺
者虎賁國之秘兵扞難禦侮必示於東東者動也言

當出師行將天下搖動也天
之以類告人甚於影響也到中平元年二月張角

兄弟起兵冀州自號黃天三十六方四面出和將帥

星布吏士外屬因其疲餒牽而勝之物理論曰黃巾
被服純黃不將

尺兵肩長衣翔行舒步所至
郡縣無不從是日天大黃也

光和元年五月壬午何人白衣欲入德陽門辭我梁

伯夏教我上殿為天子中黃門相賢等呼門吏僕射

欲收縛何人吏未到須臾還走求索不得不知姓名

時蔡邕以成帝時男子王褒絳衣入宮上前殿非常

室曰天帝令我居此後王莽篡位今此與成帝時相

似而有異被服不同又未入雲龍門而覺稱梁伯夏

皆輕於言以往況今將有狂狡之人欲為王氏之謀

其事不成其後張角稱黃天作亂竟破壞風俗通曰
光和四年

四月南宮中黃門寺有一男子長九尺服白衣中黃
門解步呵問汝何等人白衣妄入宮掖曰我梁伯夏

後天使我為天子步欲前收取因忽不見劭曰尚書春秋左傳曰伯益佐禹治水封於梁颺叔安有裔子曰董父實甚好龍龍多歸之帝舜嘉之賜姓董氏董氏之祖與梁同焉到光熹元年董卓自外入因間乘釁廢帝殺后百官摠已號令自由殺戮決前威重於主梁本安定而卓隴西人俱涼州也天戒若曰卓不當專制奪矯如白衣無宜蘭入宮也白衣見黃門寺及卓之未中黃門誅滅之際事類如此可謂無平表山松曰案張角一時狡亂不足致此大妖斯乃曹氏滅漢之徵也案劭所述與志或有不同年月舛異故俱載焉臣昭注曰檢觀前通各有未直尋梁即魏地之名伯夏明於中夏非溥天之稱以內臣孫夫得稱王徵驗有應有若符契復云伯夏教我為天子後曹公曰若天命在吾吾為周文王矣此乃魏文帝受我成策而陟帝位也風俗通云見中黃門寺曹騰之家尤見其證

二年雒陽上西門外女子生兒兩頭異肩共胸俱前

向以為不祥墮地棄之自此之後朝廷霧亂政在私門上下無別二頭之象後董卓戮太后被以不孝之名放廢天子後復害之漢元以來禍莫踰此

四年魏郡男子張博送鐵盧詣太官博上書室殿山

居屋後宮禁落屋謹呼上收縛考問辭忽不自覺知

臣昭曰魏人入宮既奪漢之徵至後宮而謹呼終亦禍廢母后

中平元年六月壬申雒陽男子劉倉居上西門外妻

生男兩頭共身

靈帝時江夏黃氏之母浴而化為黿入於深淵其後

時出見初浴簪一銀釵及見猶在其首臣昭曰黃者代漢之色女

人臣妾之體化為龜龜者元也入于深淵水實制火夫君德尊陽利見九五飛在於天乃備光盛俯等龜龜有愧潛躍首從戴釵卑弱未盡後帝者王不專權極天德雖謝蜀猶旁續推求斯異女為曉著矣

獻帝初平中長沙有人姓桓氏歿棺斂月餘其母聞

棺中聲發之遂生占曰至陰為陽下人為上其後曹

公由庶士起

建安四年二月武陵克縣女子李娥年六十餘物故

以其家杉木榼斂瘞於城外數里上巳十四日有行

聞其冢中有聲便語其家家往視聞聲便發出遂活

于寶搜神記曰武陵克縣女子李娥年六十餘病歿埋於城外巳十四日娥比舍有蔡仲聞娥富謂殯當有金寶盜發冢剖棺斧數下娥於棺中言曰蔡仲汝護我頭驚遽便出走會為吏所見遂收治依法當棄市娥兒聞來迎出娥將去武陵太守聞娥死復生召見問事狀娥對曰聞謬為司命所召到得遣出過西門適見外兄劉伯文為相勞問涕泣悲哀娥語曰伯文一日誤見召今得遣歸既不知道又不能獨行為我得一伴不又我見召在此巳十餘日形體又當見埋藏歸當那得自出伯文曰當為問之即遣門卒與戶曹相問司命一日誤召武陵大女李娥今得遣還娥在此積日尸喪又當殯斂當作何等得出又女弱獨行豈當有伴邪是吾外妹幸為便安之答曰今武陵西男民李黑亦得遣還便可為伴輒令黑過勅娥比舍蔡仲令發出娥也於是娥遂得出與伯文別伯文曰書一封以與兒佗娥遂與黑俱歸事狀如此太守慨然嘆曰天下事真不可知也乃表以為蔡仲雖發冢為鬼神所使雖欲無發勢不得已宜加寬宥詔

書報可太守欲驗語虛實即遣馬吏於西界推問李
黑得之黑語協乃致伯文書與佗佗識其紙乃是父
亡時送箱中文書也表文字猶在而書不可曉乃請
費長房讀之曰告佗當從府君出案行當以八月八
日日中時武陵城南溝水畔頃汝是時必往到期悉
將大小於城南待之須臾果至但聞人馬隱隱之聲
詣溝水便聞有呼聲曰佗來汝得我所寄李娥書不
邪曰即得之故來至此伯文以次呼家中大小問之
悲傷斷絕曰死生異路不能數得汝消息我亡後兒
孫乃爾許人良久謂佗曰來春大病與汝一丸藥以
塗門戶則辟來年妖厲矣言訖忽去竟不得見其形
至前春武陵果大病白日見鬼唯伯文之家鬼不敢
向費長房視藥曰此方相臨也博物記曰漢末關中
大亂有發前漢宮人冢者宮人猶活既出平復如舊
魏郭后愛念之錄置宮內常在左右問漢時宮中事
說之了了皆有次緒郭后崩哭泣哀過遂死漢末發
范明友奴冢奴猶活明友霍光女壻說光家事廢立
之際多與漢書相應此奴嘗遊走居民間無正住處

送不知所在

七年越雋有男化為女子時尚羣上言哀帝時亦有
此異將有易代之事至二十五年獻帝封於山陽

建安中女子生男兩頭共身

安帝元初六年夏四月會稽大疫

公羊傳曰大災者何大瘠也大瘠者

何痢也何休曰民疾疫也邪亂之氣所生古今注曰光武建武十三年揚徐部大疾疫會稽江左甚案傳鍾離意為督郵建武十四年會稽大疫案此則頻歲也古今注曰二十六年郡國七大疫

延光四年冬京都大疫

張衡明年上封事臣竊見京

有滅戶人人恐懼朝廷焦心以為至憂臣官在於考變禳災思任防救未知所由夙夜征營臣聞國之大

後漢書卷三十一 五行志
九
事在祀祀莫大於郊天奉祖方今道路流言僉曰孝安皇帝南巡路崩從駕左右行慝之臣欲徵諸國王子故不發喪衣車還宮偽遣大臣並禱請命臣處外官不知其審然尊靈見罔豈能無怨且凡夫私小有不獨猶為譴謫況以太穢用禮郊廟孔子曰曾謂泰山不如林放乎天地明察降禍見災乃其理也又間者有司正以冬至之後奏聞恭陵神道陛下至孝不忍距逆或發冢移尸月令仲冬土事無作慎無發蓋及起大眾以固而閉地氣上泄是謂發天地之房諸螫則死民必疾疫又隨以喪厲氣未息恐其殆此二年欲使知過改悔五行傳曰六沴作見若時共禦帝用不差神則不怒萬福乃降用章於下臣愚以為可使公卿處議所以陳術改過取媚神祇自求多福也

桓帝元嘉元年正月京都大疫二月九江廬江大疫

延熹四年正月大疫太公六韜曰人主好重賦役太宮室多臺遊則民多病瘟也

靈帝建寧四年三月大疫

熹平二年正月大疫

光和二年春大疫五年二月大疫

中平二年正月大疫

獻帝建安二十二年大疫魏文帝書與吳質曰昔年疾疫親故多離其災魏陳

思王常說疫氣云家家有疆尸之痛室室有號泣之哀或闔門而殮或舉族而喪者

靈帝光和元年六月丁丑有黑氣墮北宮温明殿東

庭中黑如車蓋起奮訊身五色有頭體長十餘丈形

貌似龍上問蔡邕對曰所謂天投蜺者也不見足尾

不得稱龍易傳曰蜺之比無德以色親也潛潭巴曰

虹出后妃陰脅王者又曰五色迭至照于宮殿有兵

革之事演孔圖曰天子外苦兵威內奪臣無忠則天

投蜺案邕集稱曰演孔圖曰蜺者斗之精也失度投

也蜺見態主惑於毀譽合誠圖曰天子外苦兵者

變不空生占不空言邕對又曰意者陛下樞機之

內祗席之上獨有以色見進

陵尊踰制以昭變象若羣臣有所毀譽聖意低迴未

知誰是兵戎未息威權漸移忠言不聞則虹蜺所在

生也抑內寵任中正決毀譽分直邪各得其所先是

勒守衛整武備威權之機不以假人則其救也先是

立皇后何氏皇后每齋當謁祖廟輒有變異不得謁

中平元年黃巾賊張角等立三十六方起兵燒郡國

山東七州處處應角遣兵外討角等內使皇后二兄

為大將統兵其年官車宴駕皇后攝政二兄秉權譴

讓帝母永樂后令自殺陰呼并州牧董卓欲共誅中

官中官逆殺大將軍進兵相攻討京都戰者塞道皇

太后母子遂為太尉卓等所廢黜皆歿天下之敗兵

先興於宮省外延海內二三十歲其殃禍起自何氏

袁山松書曰是年七月虹畫見御
坐玉堂後殿前庭中色青赤也

甲子年十月十七日夕讀之

後漢書卷之二十七

五行志

後漢書卷之二十八

五行志六第十八

日蝕

日抱

日赤無

虹貫日
月蝕非其月

光武帝

古今注曰建武元年正月庚午朔日有蝕之即更始三年

建武二年正月

甲子朔日有食之在危八度

杜預曰曆家之說謂日光以望時遙奪月光故

月食日月同會月奄日故日蝕蝕有上下者行有高下日光輪存而中食者相奄密故日光溢出皆既者正相當而相奄間疏也然聖人不言月食日而以自蝕為文關於所不見春秋潛潭巴云甲子蝕有兵敵強臣昭案春秋緯六旬之蝕各以甲子為說此偏舉一隅未為通證故於事驗不盡相符今依日例注以廣其候耳京房占曰北夷侵忠臣有謀後大水在東方

日蝕說曰日者太陽之

精人君之象君道有虧為陰所乘故蝕蝕者陽不克

也其候雜說漢書五行志著之必矣春秋緯曰日之將蝕則斗第二

星變色微赤不明七日而蝕儒說諸侯專權則其應多在日所宿

之國春秋漢舍孽曰臣子謀日乃蝕孝經鈞命決曰失義不德白虎不出禁或逆在矢射山崩日蝕

管子曰日掌陽月掌陰星掌和陽為德陰為刑和為

事是故日蝕則失德之國惡之月蝕則失刑之國惡

之彗星見則失和之國惡之是故聖王日諸象附從

則多為王者事人君改修其德則咎害除孝經鈞命決曰日蝕

修孝山崩理惑是時世祖初興天下賊亂未除虛危齊也賊

五年中乃破

三年五月乙卯晦日有蝕之潛潭巴曰乙卯蝕雷不行雪殺艸不長姦人入

宮在柳十四度柳河南也時世祖在雒陽赤眉降賊

樊崇謀作亂其七月發覺皆伏誅古今注四年五月乙卯晦日有蝕之

六年九月丙寅晦日有蝕之潛潭巴曰丙寅蝕久旱多有徵京房曰有小旱

災史官不見郡以聞在尾八度朱浮上疏以郡縣數

代羣陽騷動所致見浮傳

七年三月癸亥晦日有蝕之潛潭巴曰癸亥日蝕天人崩鄭興曰頃年日蝕

每多在晦行疾也在畢五度畢為邊兵秋隗囂反侵

安定冬盧芳所置朔方雲中太守各舉郡降古今注曰九年

七月丁酉十一年六月癸丑十二月辛亥並日有蝕之

十六年三月辛丑晦日有蝕之潛潭巴曰辛丑日蝕主疑王在昴

七度昴為獄事時諸郡太守坐度田不實世祖怒殺

十餘人然後深悔之

十七年二月乙未晦日有蝕之潛潭巴曰乙未蝕天下多邪氣鬱鬱蒼蒼

京房曰君責眾庶暴害之在胃九度胃為廩倉時諸郡新坐租之

後天下憂怖以穀為言故示象或曰胃供養之官也

其十月廢郭皇后詔曰不可以奉供養

二十二年五月乙未晦日有蝕之在柳七度京都宿

也柳為上倉祭祀穀也近輿鬼輿鬼為宗廟十九年

中有司奏請立近帝四廟以祭之有詔廟處所未定

且就高廟祫祭之至此三年遂不立廟有簡墮心奉

祖宗之道有闕故示象也

二十五年三月戊申晦日有蝕之潛潭巴曰戊申蝕地動搖侵兵強一

曰主兵弱諸侯強在畢十五度畢為邊兵其冬十月以武谿

蠻夷為寇害伏波將軍馬援將兵擊之古今注曰二十六年二月

戊子日有蝕之盡

二十九年二月丁巳朔日有蝕之潛潭巴曰丁巳在蝕下有敗兵

東壁五度東壁為文章一名姬訾之口先是皇子諸

王各招來文章談說之士去年中有人上奏諸王所

招待者或真偽雜受刑罰者子孫宜可分別於是上

怒詔捕諸王客皆被以苛法死者甚多世祖不早為

明設刑禁一時治之過差故天示象世祖於是改悔

遣使悉理侵枉也

三十一年五月癸酉晦日有蝕之潛潭巴曰癸酉蝕連陰不解淫雨毀

山有兵在柳五度京都宿也自二十一年示象至此十

年後二年宮車晏駕

中元元年十一月甲子晦日有蝕之在斗二十度斗

為廟主爵祿儒說十一月甲子時王日也又為星紀

主爵祿其占重

明帝永平三年八月壬申晦日有蝕之潛潭巴曰壬申蝕水滅陽

潰陰在氐二度氐為宿宮是時明帝作北宮古今注曰四年

欲翔八月丙寅時加未日有蝕之五年二月乙未朔日有

蝕之京師候者不覺河南尹郡國三十一上六年六

月庚辰晦日有蝕之時維陽候者不見八年十月古今注曰壬寅晦日有蝕之潛潭巴曰壬寅蝕天

下若兵大臣驕橫在斗十一度斗吳也廣陵於天文屬吳後

二年廣陵王荆坐謀反自殺

十三年十月古今注曰甲辰晦日有蝕之潛潭巴曰甲辰蝕四

騎脅大水在尾十七度京房占曰主后壽命絕後有大水

十六年五月戊午晦日有蝕之潛潭巴曰戊午蝕久旱穀不傷在柳

十五度儒說五月戊午猶十一月甲子也又宿在京

都其占重後二歲宮車晏駕

十八年十一月甲辰晦日有蝕之在斗二十一度是

時明帝既崩馬太后制爵祿故陽不勝

章帝建初五年二月庚辰朔日有蝕之潛潭巴曰庚辰蝕彗星東

至有寇兵在東壁八度例在前建武二十九年是時羣臣

爭經多相非毀者又別占云庚辰蝕大旱

六年六月辛未晦日有蝕之潛潭巴曰辛未蝕大水在翼六度

翼主遠客冬東平王蒼等來朝明年正月蒼薨古今注曰

元和元年九月乙未日有蝕之

元和元年八月乙未晦日有蝕之史官不見他官以

聞日在氐四度星占曰天下災期三年

和帝永元二年二月壬午日有蝕之潛潭巴曰壬午蝕久雨旬望

史官不見涿郡以聞日在奎八度

京房占曰三公與諸侯相賊弱其君

王天應而日蝕三公失國後旱且水臣昭以為三公宰輔之位即竇憲

四年六月戊戌朔日有蝕之

潛潭巴曰戊戌蝕有土殃主后死天下諒陰京

房占曰婚嫁家欲戮

在七星二度主衣裳又曰行近軒轅在左

角為太后族是月十九日

案本紀庚申幸北宮詔捕憲等庚申是二十三日

上免太后兄弟竇憲等官遣就國選嚴能相於國蹙迫自殺

七年四月辛亥朔日有蝕之

潛潭巴曰辛亥蝕子為雄

在觜觶為

葆旅主收斂儒說葆旅宮中之象收斂貪妬之象是

王温禺犢

歲鄧貴人始入明年三月陰皇后立鄧貴人有寵陰

后妬忌之後遂坐廢一曰是將入參參伐為斬刈明

年七月越騎校尉馮柱捕斬匈奴温禺犢王烏居戰

十二年秋七月辛亥朔日有蝕之在翼八度荊州宿

也明年冬南郡蠻夷反為寇

十五年四月甲子晦日有蝕之在東井二十二度東

井主酒食之宿也婦人之職無非無議酒食是議去

年冬鄧皇后立有丈夫之性與知外事故天示象是

年水雨傷稼

安帝永初元年三月二日癸酉日有蝕之在胃二度
胃主廩倉是時鄧太后專政去年大水傷稼倉廩為

虛古今注曰三年三月日有蝕之

五年正月庚辰朔日有蝕之在虛八度正月王者統
事之正日也虛空名也是時鄧太后攝政安帝不得
行事俱不得其正若王者位虛故於正月陽不克示
象也於是陰預乘陽故夷狄竝為寇害西邊諸郡皆
至虛空

七年四月丙申晦日有蝕之潛潭巴曰丙申蝕諸侯相攻京房占曰君臣暴

唐臣下橫恣上下相賊後有地動在東井一度

元初元年十月戊子朔日有蝕之潛潭巴曰戊子蝕宮室內姪雌必成

雄京房占曰妻欲害夫九族夷滅後有大水在尾十度尾為後宮繼嗣之

宮也是時上甚幸閹貴人將立故示不善將為繼嗣
禍也明年四月遂立為后後遂與江京耿寶等共讒
太子廢之

二年九月壬午晦日有蝕之在心四度心為王者明
久失位也

三年三月二日辛亥日有蝕之在婁五度史官不見

遼東以聞

四年二月乙亥朔日有蝕之

潛潭巴曰乙亥蝕東國發兵京房占曰諸侯上

侵以自益近臣盜竊以為積天子未知日為之蝕

在奎九度史官不見七郡

以聞奎主武庫兵其十月八日壬戌武庫火燒兵器

也

五年八月丙申朔日有蝕之在翼十八度史官不見

張掖以聞

潛潭巴曰丙申蝕夷狄內攘石氏占曰王者失禮宗廟不親其歲旱

六年十二月戊午朔日有蝕之幾盡地如昏狀

古今注曰

星盡見春秋緯曰日蝕既君行無常公輔不修德夷狄強侵萬事錯

在須女十一度女

主惡之後二歲三月鄧太后崩

李氏家書司空李郃上書曰陛下祇畏天

威懼天變克已責躬博訪羣下咎皆在臣力小任重招致咎徵去年二月京師地震今月戊午日蝕夫至尊莫過乎天天之變莫大乎日蝕地之戒莫重乎震動今一歲之中大異兩見日蝕之變既為尤深地動之戒搖宮最醜日者陽精君之象也戊者土主任在中宮午者火德漢之所承地道安靜法當由陽今乃專恣搖動宮闕禍在蕭牆之內臣恐宮中必有陰謀其陽下圖其上造為逆也災變終不虛生推原二異日辰行度甚為較明譬猶指掌宜察宮闕之內如有所疑急摧破其謀無令得成修政恐懼以答天意十月辛卯日有蝕之周家所忌乃為亡徵是時妃后用事七子朝令戊午之災近相似類宜貶退諸后兄弟羣從內外之寵求賢良徵逸士下德令施恩惠澤及山海時度遼將軍遵多興師重賦出塞妄攻之事上深納其言建光二年鄧太后崩上收考中人趙任等辭言地震日蝕在中宮竟有廢立之謀郃乃自知其

言驗也

永寧元年七月乙酉朔日有蝕之

潛潭巴曰乙酉蝕仁義不明賢人消

京房占曰君弱臣強司馬將兵反征其王

在張十五度史官不見酒泉以

聞石氏占曰日蝕張王者失禮

延光三年九月庚寅晦日有蝕之

京房占曰骨肉相賊後有水 在

氏十五度氏為宿官官中宮也時上聽中常侍江京

樊豐及阿母王聖等讒言廢皇太子

四年三月戊午朔日有蝕之在胃十二度隴西酒泉

朔方各以狀上史官不覺

案馬融集是時融為許令其四月庚申自縣上書曰

伏讀詔書陛下深惟禹湯臯已之美歸咎自責寅畏天戒詳延百僚博問公卿知變所自審得厥故修復性術以答天命臣子遠近莫不延頸企踵苟有隙空一介之知事願自效貢納聖聽臣伏見日蝕之占自管典籍十月之交春秋傳記漢注所載史官占候羣臣密對陛下所觀覽左右所諷誦可謂詳悉備矣雖復廣問陷在前志無以復加乃者第氣干參臣前得敦朴之人後三年二月對策北宮端門以為參者西方之位其於分野并州是也殆謂西戎北狄其後種羌叛戾烏桓犯上郡并涼動兵驗略效矣今復見大異申誠重譴於此二城海內莫見三月一日合辰在婁婁又西方之宿眾占顯明者羌及烏桓有悔過之辭將吏策勲之名臣恐受任典教者苟脫目前皆羸圖身一時之權不顧為國百世之利論者美近功忽其遠則各相不大疾病伏惟天象不虛老子曰圖難於其易也為大於其細也消災復異宜在於今詩曰日月吉凶不用其行四國無政不用其良傳曰國無政不用善則自取謫于日月之災故政不可不慎也

務三而已一曰擇人二曰安民三曰從時臣融伏惟
方今有道之世漢典設張侯甸采衛司民之吏案繩
循墨雖有殿最所差無幾其陷罪辟身自取禍百姓
未被其大傷至邊郡牧御失和吉之與凶敗之與成
優劣相懸不誠不可審擇其人上以應天變下以安
民隸竊見列將子孫生長京師食仰租奉不知稼穡
之艱又希遭阨困故能果毅輕財施與孤弱以獲
生之用此其所長也不拘法禁奢泰無度功勞足以
宣威踰濫足以傷化此其所短也州郡之士出自貧
苦長於檢押雖專賞罰不敢越溢此其所長也拘文
守法遭遇非常狐疑無斷畏首畏尾威恩纖薄外內
離心士卒不附此其所短也必得將兼有二長之才
無二短之累參以吏事任以兵法有此數姿然後能
折衝厭難致其功實轉災為福孔子曰十室之邑必
有忠信如丘者焉以天下之大四海之衆云無若人
臣以為誣矣宜特選詳譽審得其真鎮守二方以應
用良擇人之義
以塞大義也

順帝永建二年七月甲戌朔日有蝕之

潛潭巴曰甲戌蝕艸木不

滋王命不行京房占曰近在翼九度

陽嘉四年閏月丁亥朔日有蝕之

潛潭巴曰丁亥蝕匿謀滿玉堂京房

占曰君臣無別在角五度史官不見零陵以聞

安張衡為太史令表奏云

今年三月朔方覺日蝕此郡懼有兵患臣愚以為可勅北邊須塞郡縣明烽火遠斥候深藏固閉無令穀畜外露不祥是何年三月

永和三年十二月戊戌朔日有蝕之在須女十一度

史官不見會稽以聞明年中常侍張逵等謀譖皇后

父梁商欲作亂推考逵等伏誅也

五年五月己丑晦日有蝕之潛潭巴曰己丑蝕天下唱之在東井

三十三度東井三輔宿又近輿鬼輿鬼為宗廟其秋

西羌為寇至三輔陵園

六年九月辛亥晦日有蝕之在尾十一度尾主後宮

繼嗣之宮也以為繼嗣不興之象

桓帝建和元年正月辛亥朔日有蝕之在營室三度

史官不見郡國以聞是時梁太后攝政

三年四月丁卯晦日有蝕之潛潭巴曰丁卯蝕有旱有兵京房占曰諸侯欲

戮後有裸蟲之殃在東井二十三度例在永元十五年東井

主法梁太后又聽兄冀枉殺公卿犯天法也明年太

后崩

元嘉二年七月二日庚辰日有蝕之在翼四度史官

不見廣陵以聞京房占曰庚辰蝕君易賢以剛卒以自傷後有水翼主倡樂

時上好樂過阮籍樂論曰桓帝聞琴悽愴傷心倚床而悲慷慨長息曰善乎哉為琴若此一

而足矣

永興二年九月丁卯朔日有蝕之在角五度角鄭宿

也十一月泰山盜賊羣起劫殺長吏泰山于天文屬

鄭

永壽三年閏月庚辰晦日有蝕之在七星二度史官不見郡國以聞例在永元四年後二歲梁皇后崩冀兄弟被誅

延熹元年五月甲戌晦日有蝕之在柳七度京都宿

也梁冀別傳曰常侍徐廣白言臣切見道術家常言漢成在戌亥今太歲在丙戌五月甲戌日蝕柳宿

朱雀漢家之貴國宿分周地今京師是也史官上占去重見輕璜召太史陳援詰問乃以實對冀怒援不為隱諱使人陰求其短發擿上聞上以失候儀不肅有司奏收殺獄中

八年正月丙申晦日有蝕之在營室十三度營室之

中女主象也其二月癸亥鄧皇后坐醜上送暴室令

自殺家屬被誅呂太后崩時亦然

九年正月辛卯朔日有蝕之潛潭巴曰辛卯蝕臣伐其主在營室

三度史官不見郡國以聞谷永以為三朝尊者惡之

其明年宮車晏駕

永康元年五月壬子晦日有蝕之潛潭巴曰壬子蝕妃后專恣女謀主

在輿鬼一度儒說壬子淳水日而陽不克將有水害

其八月六州大水勃海盜賊

靈帝建寧元年五月丁未朔日有蝕之潛潭巴曰丁未蝕王者崩

冬十月甲辰晦日有蝕之

二年十月戊戌晦日有蝕之右扶風以聞

三年三月丙寅晦日有蝕之梁相以聞

四年三月辛酉朔日有蝕之潛潭巴曰辛酉蝕女謀主谷永上書飲酒無節

君臣不別姦邪欲起傳曰酒無節茲謂荒厥異日蝕厥咎亡靈帝好為商估飲於宮人之肆也

熹平二年十二月癸酉晦日有蝕之在虛二度是時

中常侍曹節王甫等專權蔡邕上書曰四年正月朔日蝕微傷羣臣服赤幘赴

宮門之中無救乃各罷歸天有大異隱而不宣求御過是巴事之甚者

六年十月癸丑朔日有蝕之趙相以聞谷永上書賦

黎民百姓虛竭則日蝕將有潰叛之變

光和元年二月辛亥朔日有蝕之十月丙子晦日有

蝕之在箕四度箕為後宮口舌是月上聽讒廢宋皇

后案本傳盧植上書丙子蝕自己過午既蝕之後雲霧掩曖陳八事以諫蔡邕對問曰詔問踐祚以來

災眚屢見頃歲日蝕地動風雨不時疫癘流行勁風折樹河維盛溢臣聞陽微則日蝕陰盛則地震思亂

則風貌失則雨視闇則疾簡宗廟水不潤下川流滿溢明君臣正上下抑陰尊陽脩五事於聖躬致精慮

於共御其救之也

二年四月甲戌朔日有蝕之

四年九月庚寅朔日有蝕之潛潭巴曰庚寅蝕將相誅大水多歿傷在

角六度

中平三年五月壬辰晦日有蝕之

潛潭巴曰壬辰蝕河決海久霧連陰

六年四月丙午朔日有蝕之其月浹辰宮車晏駕

獻帝初平四年正月甲寅朔日有蝕之在營室四度

潛潭巴曰甲寅蝕雷電擊殺骨肉相攻

是時李傕郭汜專政

表宏紀曰未蝕八刻

太史令王立奏曰日晷過度無有變也於是朝臣皆賀帝密令尚書候焉未晡一刻而蝕尚書賈詡奏曰立伺候不明疑悞上下太尉周忠職所典掌請皆治罪詔曰天道遠事驗難明且災異應政而至雖探道知機焉能無失而欲歸咎史官益重朕之不德也弗從於是避正殿寢兵不聽事五日

興平元年六月乙巳晦日有蝕之

建安五年九月庚午朔日有蝕之

潛潭巴曰庚午蝕後火燒官兵

六年十月癸未朔日有蝕之

十三年十月癸未朔日有蝕之

潛潭巴曰癸未蝕仁義不明

在尾

十二度

十五年二月乙巳朔日有蝕之

十七年六月庚寅晦日有蝕之

二十一年五月己亥朔日有蝕之

潛潭巴曰己亥蝕小人用事君子繫

二十四年二月壬子晦日有蝕之

凡漢中興十二世百九十六年日蝕七十二朔三十

二晦三十七月二日三

光武建武七年四月丙寅日有暈抱白虹貫暈在畢

八度古今注曰時日加卯西面東面有抱須臾成暈

中有兩鈞在南北面有白虹貫暈在西北南面

有背在景加畢為邊兵秋隗囂反侵安定皇德傳史曰白虹貫

已皆解也下破軍晉分也古今注曰章帝建初元年正月壬申

白虹貫日五年七月甲寅夜白虹出乙丑地西北曲

入七年四月丙寅日加卯西面有抱須臾成暈有白

虹貫日殤帝延平元年六月丁未日暈上有半暈暈

中外有備背兩珥十二月丙寅日暈再重中有背備

順帝永建二年正月戊午白虹貫日三年正月丁酉

日有白虹貫交暈中六年正月丁卯日暈兩珥白虹

貫珥中永和六年正月己卯暈兩珥中赤外青白虹

貫暈中案郎顛傳陽嘉二年正月乙卯白虹貫日又

唐檀傳永建五年白虹貫日檀上便宜三事陳其咎

徵春秋元命苞曰陰陽之氣聚為雲氣立為虹蜺離

為倍備分為抱珥考異郵曰臣謀反徧刺日巫咸占

曰臣不知則日月備如淳曰蝦蟇謂之虹雌謂之蜺

向外曰倍刺日曰備在傍如半環向日曰抱在傍直

對曰珥孟康曰備如備也宋均曰黃氣抱日輔臣納忠

靈帝時日數出東方正赤如血無光高二丈餘乃有

景且入西方去地二丈亦如之京房占曰國有佞讒

闇冥不明孟康曰其占曰事天不謹則日月赤是時

月出入去地二三丈皆赤如血者數矣春秋感精符

勢奪羣臣以讒術色赤如炭以急見伐又兵馬發禮

斗威儀曰日月赤君喜怒無常輕殺不辜戮於無罪

不事天地忽於鬼神時則大雨土風常起日蝕無光

地動雷降其時不救兵從外來為賊戮而不葬京房

占曰日無故日夕無光

天下變枯社稷移主

光和四年二月己巳黃氣抱日黃白珥在其表春秋感精

符曰日朝珥則有喪孽又云日已出若其入而雲皆赤黃名曰日空不出三年必有移民而去者也

中平四年三月丙申黑氣大如瓜在日中春秋感精符曰日黑

則水淫溢

五年正月日色赤黃中有黑氣如飛鵲數月乃銷

六年二月乙未白虹貫日春秋感精符曰虹貫日天

賊酷法橫殺下多相告刑用及族世多深刻獄多怨宿吏皆慘毒又曰國多死孽天子命絕大臣為禍主將見殺星占曰虹蜺主內淫土精填星之變易識曰聰明蔽塞政在臣下婚戚於朝君不覺悟虹蜺貫日

獻帝初平元年二月壬辰白虹貫日袁山松書曰三年十月丁卯日

有重兩倍吳書載韓馥與表術書曰凶出於代郡

桓帝永壽三年十二月壬戌月蝕非其月古今注曰光武建武

八年三月庚子夜月暈五重紫微青黃似虹有黑氣如雲月星不見丙夜乃解中元元年十一月甲辰日中星齒往

延熹八年正月辛巳月蝕非其月袁山松書曰興平二年十二月月在

太微端門中重暈二珥兩白氣廣八九寸貫月東西南北

贊曰皇極惟建五事尅端罰咎入沴逆亂浸干火下

水騰木弱金酸妖豈或妄氣炎以觀

十一月十九日也

後漢書卷之二十九

郡國志一第十九

司隸 河南 河內 河東 弘農 京兆 馮翊 扶風

漢書地理志記天下郡縣本末及山川奇異風俗所

由至矣今但錄中興以來郡縣改異及春秋三史會

同征伐地名臣昭案志猶有遺闕今衆書所載不可悉記其春秋土地通儒所據而未備者

皆先以為郡國志本志唯郡縣名為大書其山川地列焉

發臣劉昭采集凡前志有縣名今所不載者皆世祖所并省

也前無今有者後所置也凡縣名先書者郡所治也

帝王世記曰自天地設闢未有經界之制三皇尚矣諸子稱神農之王天下也地東西九十萬里南北八十五萬里及黃帝受命始作舟車以濟不通乃推分星次以定律度自斗十一度至婺女七度一名須女曰星紀之次於辰在丑謂之赤奮若於律為黃鍾斗建在子今吳越分野自婺女八度至危十六度曰玄枵之次一名天黿於辰在子謂之困敦於律為大呂斗建在丑今齊分野自危十七度至奎四度曰豕韋之次一名姬訾於辰在亥謂之大淵獻于律為太簇斗建在寅今衛分野自奎五度至胃六度曰降婁之次於辰在戌謂之閭茂於律為夾鍾斗建在卯今魯分野自胃七度至畢十一度曰大梁之次於辰在酉謂之作噩於律為姑洗斗建在辰今趙分野自畢十二度至東井十五度曰實沈之次於辰在申謂之涪灘於律為中呂斗建在巳今晉魏分野自井十六度至柳八度曰鶉首之次於辰在未謂之叶洽於律為蕤賓斗建在午今秦分野自柳九度至張十七度曰鶉火之次於辰在午謂之敦牂一名大律於律為林

鍾斗建在未今周分野自張十八度至軫十一度曰鶉尾之次於辰在巳謂之大荒落於律為夷則斗建在申今楚分野自軫十二度至氐四度曰壽星之次於辰在辰謂之執徐於律為南呂斗建在酉今韓分野自氐五度至尾九度曰大火之次於辰在卯謂之單闕於律為無射斗建在戌今宋分野自尾十度至斗十度百三十五分而終曰析木之次於辰在寅謂之攝提格於律為應鍾斗建在亥今燕分野凡天有十二次日月之所躔也地有十二分王侯之所國也故四方方七宿四七二十八宿合一百八十二星東方蒼龍三十二星七十五度北方玄武三十五星九十八度四分度之一西方白虎五十一星八十五度南方朱雀六十四星百一十二度周天三百六十五度四分度之一一度二千九百三十二里分為十二次一次三十度三十二分度之十四各以附其七宿間距周天積百七萬九百一十三里徑三十五萬六千九百七十一里陽道左行故太歲右轉凡中外官常明者百二十四可名者三百二十合二千五百星微

星之數凡萬一千五百二十星萬物所受咸系命焉此黃帝創制之大畧也而他說稱日月所照三十五萬里考諸子所載神農之地過日月之表近為虛誕及少昊氏之衰九黎亂德其制無聞矣泊顓頊之所建帝嚳受定則孔子稱其地北至幽陵南暨交趾西蹈流沙東極蟠木日月所照莫不底焉是以建萬國而制九州至堯遭洪水分為十二州今虞書是也及禹平水土還為九州今禹貢是也是以其時九州之地凡二千四百三十萬八千二十四頃定墾者九百二十萬八千二十四頃不墾者千五百萬二千頃民口千三百五十五萬三千九百二十三人至于塗山之會諸侯承唐虞之盛執玉帛亦有萬國是以山海經稱禹使大章步自東極至于西垂二億三萬三千五百里七十五步又使豎亥步南極北盡於北垂二億三萬三千五百里七十五步四海之內則東西二萬八千里南北二萬六千里出水者八千里受水者八千里名山五千二百五十經六萬四千五百六十六里出銅之山四百六十七出鐵之山三千六百九以供

財用儉則有餘奢則不足以男女耕織不奪其時故公家有三十年之積私家有九年之儲及夏之衰棄稷弗務有窮之亂少康中興乃復禹迹孔甲之至桀行暴諸侯相兼逮湯受命其能存者三千餘國方於塗山十損其七民離毒政將亦如之殷因於夏六百餘載其間損益書策不存無以考之又遭紂亂至周剋商制五等之封凡千七百七十三國又滅湯時千三百矣民衆之損將亦如之及周公相成王致治刑錯民口千三百七十一萬四千九百二十三人多禹十六萬一千人周之極盛也其後七十餘歲天下無事民彌以息及昭王南征不反穆王失荒加以幽厲之亂平王東遷三十餘載至齊桓公二年周莊王之十三年五千里內非天王九嬪之御自世子公侯以下至於庶民凡千八百八十四萬七千人除有土老疾定受田者九百萬四千八百人其後諸侯相并當春秋時尚有千二百國二百四十二年之中殺君三十六亡國五十二諸侯奔走不得保社稷者不可勝數至於戰國存者十餘於是縱橫短長之說相奪於時殘民

詐力之兵動以萬計故峻有匹馬之禍宋有易子之
急晉陽之國縣釜而炊長平之戰血流漂鹵周之列
國唯有燕衛秦楚而已齊及三晉皆以篡亂南面稱
王衛雖得存不絕若綫然考蘇張之說計秦及山東
六國戎卒尚存五百餘萬推民口數尚當千餘萬及
秦兼諸侯置三十六郡其所殺傷三分居二猶以餘
力行參夷之刑收大半之賦北築長城四十餘萬南
戍五嶺五十餘萬阿房驪山七十餘萬十餘年間百
姓歿沒相踵于路陳項又肆其餘烈故新安之坑二
十餘萬彭城之戰睢水不流至漢祖定天下民之歿
傷亦數百萬是以平城之卒不過三十萬方之六國
五損其二自孝惠至文景與民休息六十餘歲民衆
大增是以太倉有不食之粟都內有朽貫之錢武帝
承其資畜軍征三十餘歲地廣萬里天下之衆亦減
半矣及霍光秉政乃務省役至于孝平六世相承雖
時征行不足大害民戶又息元始二年郡國百三縣
邑千四百八十七地東西九千三百二里南北萬三
千三百六十八里定墾田八百二十七萬五百三十

六頃民戶千三百二十三萬三千六百一十二口五
千九百一十九萬四千九百七十八人多周成王四
千五百四十八萬五千五百五十八人漢之極盛也及王莽篡
位續以更始赤眉之亂至光武中興百姓虛耗十有
二存中元二年民戶四百二十七萬千六百三十四
口二千一百萬七千八百二十人永平建初之際天
下無事務在養民迄于孝和民戶滋殖及孝安永初
元初之間兵飢乏苦民人復損至于孝桓頗增於前
永壽二年二千六百七萬九千六百六十五千六萬六千
八百五十六人墾田亦多軍師屢征及靈帝遭黃巾
獻帝即位而董卓興亂大焚宮廟劫御西遷京師蕭
條豪傑竝爭郭汜李傕之屬殘害又甚是以興平建
安之際海內凶荒天子奔流白骨盈野故陝津之難
以箕撮指安邑之東后裳不完遂有寇戎雄雌未定
割剥庶民三十餘年及魏武皇帝克平天下文帝授
禪人衆之損萬有一存景元四年與蜀通計民戶九
十四萬三千四百二十三口五百三十七萬二千八
百九十一人又案正始五年揚威將軍朱照日所上

吳之所領兵戶九十三萬二千推其民數不能多蜀矣管漢永和五年南陽戶五十餘萬汝南戶四十餘萬方之於今三帝鼎足不踰二郡加有食祿復除之民凶年飢疾之難見可供役裁若一郡以一郡之人供三帝之用斯亦勤矣自禹至今二千餘載六代損益備於茲焉臣昭案謚記云春秋時有千二百國未知所出班固云周之始爵五而土三蓋千八百國轉相吞滅數百年間列國耗盡至春秋時尚有數十

河南尹

秦三川郡高帝更名世祖都維陽建武十五年改曰河南尹應劭漢官曰尹正也郡府聽

事壁諸尹畫贊肇自建武訖于陽嘉注其清濁進退所不隱過不虛譽甚得述事之實後人是瞻足以勸懼雖春秋采毫毛之善貶纖介之惡不避王公無以過此方著明也 **二十一城永和**

五年戶二十萬八千四百八十六口百一萬八百二

十七 雒陽

摯虞曰古之周南今之雒陽魏氏春秋曰有委粟山在陰鄉魏時營為圓丘皇

覽曰縣東北山長弘冢縣北芒山道西呂不韋冢

周時號成周

公羊傳曰成周者何東周

也何休曰周道始成王之所都也帝王世紀曰城東西六里十一步南北九里一百步晉元康地道記曰城內南北九里七十步東西六里十步為地三百頃一十二畝有三十六步城東北隅周威烈王冢有

狄泉在城中

左傳僖二十九年盟于狄泉杜預曰城內太倉河南池水或曰本在城外定元

年城成周乃繞之案此水晉時在東宮西北帝王世紀曰狄泉本殷之墓地在成周東北今城中有殷王冢是也又太倉中 **有唐聚** 左傳昭二十三年 **有上程** 大冢周景王也

聚

古程國史記曰重黎之後伯休甫之國也關中更有程地帝王世紀曰文王居程徙都豐故此加為

有士鄉聚

馮異斬 **有褚氏聚** 左傳昭二十六年王

有榮錡澗

左傳周景王崩于榮 **有前亭** 杜預曰

氏亭 **有前亭** 杜預曰縣西南

有泉亭即**有圍鄉**左傳昭二十二年單氏伐東圍杜

城伊維也**有大解城**左傳昭二十三年晉師次于解河

南帝王世記曰城西有郊廓陌太康畋于**周公時所**

城**雒邑也春秋時謂之王城**鄭玄詩譜曰周公攝政

公先相宅既成謂之王城博物記曰王城方七百二

十丈郭方一十里南望雒水北至陝山地道記曰去

雒城四十里左傳定八年單**東城門名鼎門**帝王世

子伐穀城杜預曰在縣西**北城門名乾祭**左

南門九鼎所從入又曰武王定鼎**又有其城**昭二十四年士伯立於乾祭皇覽曰城西

昭二十四年士伯立於乾祭皇覽曰城西**又有其城**南柏亭西周山上周靈王冢民祠之不絕

杜預曰縣西**有蒯鄉**左傳昭二十三年尹辛攻蒯晉

南有其泉**有蒯鄉**地道記曰在縣西南有蒯亭

梁故國伯翳後有陽人聚史記曰秦滅東

左傳哀四年楚為一**有注城**史記曰魏文侯四十二

昔之期襲梁及霍**有注城**年敗秦于注博物記曰

梁伯好土功**榮陽有鴻溝水**文穎曰於榮陽下引河

今梁多有城**有廣武城**西征記曰有三皇山或謂三室山山上

也**有廣武城**有二城東者曰東廣武西者曰西廣武

各在山一頭相去二百餘步其**有統亭統叔國有隴**

間隔深間漢祖與項籍語處**有統亭統叔國有隴**

城左傳文二年**有薄亭有敖亭**周宣王狩于敖左傳

鄆之間秦**有費澤**左傳宣十二年楚潘黨逐魏

立為敖倉**有費澤**錡及榮杜預曰縣東榮澤也**卷**左

成十年晉鄭盟修澤杜**有長城經陽武到密**史記蘇

預曰縣東有修武亭**有長城經陽武到密**秦說襄

王曰大王之地**有垣離城或曰古衡雍**史記無忌謂

西有長城之界**有垣離城或曰古衡雍**魏王曰王有

後漢書卷之五十九 郡國志

郡國志

鄭地得垣雍者也杜預曰有扈城亭左傳莊二十三年盟于扈杜預

曰在縣原武陽武有武疆城史記曰曹參攻武疆

為盜中牟左傳宣元年諸侯救鄭遇于北林有圃田

澤左傳曰原圃爾雅有清口水左傳閔二年遇于清

有管城杜預曰管國也在京縣東有曲遇聚前書曹

熊有蔡亭開封左傳哀十四年逢澤有介麋杜預

苑陵有棊林左傳宣元年諸侯會于棊林杜預曰縣

大隧澗鄭莊公所闕又大城東臨濮有制澤諸

侯遷於制田杜預有瑣侯亭左傳襄十一年瑣侯之

有瑣平陰穀城灑水出博物記曰有函谷關西征

函谷左右絕岸十緱氏左傳曰呂相絕秦伯殄滅我

緱氏縣案本紀縣有百坏山有鄔聚左傳王取鄔劉

于寶搜神記曰縣有延壽城有鄔聚杜預曰鄔在縣

西有轅轅關贊曰險道名鞏鞏伯國左傳曰商湯有

南有湯亭帝王世紀曰湯亭偃師又曰夏有尋谷水

太康五弟須于雒汭在縣東北三十里有尋谷水

左傳昭二十三年王師晉師圍鄆中史記曰張有東

儀下兵三川塞什谷之口徐廣曰縣有尋口有東

訾聚今名訾城左傳昭二十三年單子取訾杜預曰

有坎埧聚左氏周襄王出國人納之坎埧有黃亭有

湟水左傳昭二十三年王子猛居于有明谿泉左傳

十三年賈辛 **成羣** 史記曰成羣北門名王門左傳破軍于谿泉 燕師于北制杜預曰北制一名虎

牢亦即此縣也穆天子傳曰七萃之士生搏虎而獻天子命為柙而畜之東虢是曰虎牢左傳曰鄭子皮

勞晉韓宣子于索氏杜預曰縣東有大索城尚書禹貢至于大岨張揖云成羣縣山又有旋門坂縣西南

十里見東 **有旃然水** 左傳襄十八年 **有瓶丘聚有漫** 京賦云 楚伐鄭次旃然

水有汜水 左傳曰周襄京 鄭共叔所居左傳云謂之楚漢戰京索北 密 春秋時曰新城傳曰新密僖六年

征記又有索水 **有大駝山** 山海經曰大駝之山其陰多鐵多美璽有服者 **有梅山** 左傳曰襄十八年楚伐 **有陘山** 史記魏

不天 年伐楚敗之陘山秦破魏華陽地亦在縣杜預遺令曰山上有冢或曰子產邪東北向新鄭城不忌本也

新城 左傳曰文十七年周敗戎於邲垂杜預曰縣北有垂亭史記秦遷西周公於愚狐徐廣曰與陽

人聚相近在雒陽南百 **有高都城** 史記蘇代說韓相五十里梁新城之門 國以高都與周者

有廣城聚 有廣 **有鄆聚古鄆氏今名蠻中** 左傳昭十

鄆子杜預曰縣東南有 **匡師** 帝王世紀曰帝嚳所都蠻城又祭遵獲張滿也 殷盤庚復南亳是為西

亳皇覽曰北有臯繇祠 **有尸鄉** 帝王世紀曰尸鄉春又曰有湯亭有湯祠 在縣西二十里

秋時曰尸氏 左傳昭二十六年劉人敗子朝 **新鄭詩** 之師于尸氏前書田橫自殺處

鄭國祝融墟 皇甫謐曰古有鄭 國黃帝之所都

河內郡 高帝置雒陽 北百二十里 **十八城戶十五萬九千七百七**

十口八十萬一千五百五十八 **懷有隰城** 左傳曰王取鄭

縣城杜預曰在縣西南傳又曰郤至與河陽左傳曰

盟杜預曰有湛城左傳曰王與鄭原杜預曰縣西北地名向上

有原鄉左傳曰王與鄭原杜預曰縣西北地名向上有澳梁左傳曰襄十

波有絺城左傳曰王與鄭絺杜預曰縣西南沁水山海經曰沁水出井陘東野

王有太行山山海經曰其上有金玉下有碧有獸焉

驛還酈食其說曰杜太有射犬聚世祖破青犢也有邗城史

行之道韋昭曰在縣北日紂以文王九侯鄂侯為三公徐廣温蘇子所都濟

水出王莽時太早遂枯絕皇覽曰縣郭東濟州平舉

有邢丘故邢國周公子所封臣瓚曰丘名也有李城

史記曰邯鄲李同却秦兵趙封其父李侯徐廣曰即此城山陽邑有雍城古雍國

有蔡城蔡叔邑此猶鄭武德獲嘉侯國修武故

南陽秦始皇更名有南陽城左傳僖四年晉文公圍

南陽太行道絕之山海經曰太行之山清陽樊攢茅

水出焉郭璞曰修武縣北黑山亦出清水

田服虔曰樊仲山之所居故名陽樊杜預曰縣西北

也吳澤有小修武聚春秋曰甯史記曰高祖得韓有隕

城左傳隱十一年以隕與鄭共本國淇水出博物志注曰水出北山

淇水有綠竹草有汎亭凡伯汲晉地道記朝歌有鹿紂所都

居帝王世紀曰紂糟丘酒池肉林南有牧野去縣十

北有邾國南有寧鄉史記無忌說魏安僖王曰通韓上黨於共甯徐廣曰有寧鄉

蕩陰有姜里城韋昭曰姜音酉文王所拘處林慮故隆慮殤帝改

有鐵徐廣曰洹水所出蘇秦合諸侯盟處班叔皮游居賦亦曰漱余馬乎洹泉嗟西伯於牖城

河東郡秦置雜陽西北五百里博物記曰有山澤近鹽沃土之民不才漢興少有名人大衣冠三世皆衰

絕也二十城戶九萬三千五百四十三口五十七

萬八百三安邑帝王世紀曰縣西有鳴條陌湯伐桀戰昆吾亭左傳昆吾與桀同日

亡地道記有鐵有鹽池前志曰池在縣西南魏都賦咸山在南注曰在猗氏六十四里楊佺

期雜陽記曰河東鹽池長七十里廣七里水氣紫色有別御鹽四面刻如印齒文章字妙不可述楊

有高梁亭左傳曰僖九年晉懷公死高梁杜預曰在縣西南地道記有梁城去縣五十里叔嚮

邑平陽侯國左傳成七年諸侯盟馬陵杜預曰衛地也平陽東南地名馬陵又說在魏郡元

城有鐵堯都此晉地道記堯城臨汾博物記曰有董亭

左傳曰晉改蒐于董汾陰博物記曰古有介山縣西

杜預曰縣有董亭有介山縣西

狐谷亭郭璞爾雅注曰縣有水口如車蒲坂有雷首

山史記趙盾田首山息桑下有餓人祗彌明縣南二十里

馬融曰在蒲坂華有沙丘亭左傳曰文十二年秦晉

湯伐桀孔安國大陽有吳山上有虞城杜預曰虞國

曰河曲之南取吳城即此城也皇覽曰盜跖冢臨河博物記曰傳

縣北有下陽城晉所滅縣東北三十里有茅津左傳

代晉遂自茅津濟杜預曰有顛軫坂左傳曰入自顛軫

在縣西南有茅亭即茅城縣鹽池東吳城之北今之解左傳曰咎犯與秦晉大

吳坂杜預曰在縣東北北有郟城博物有桑泉城左傳僖二十四年晉文公

記曰有智邑有白城左傳曰晉文公入取白衰者也杜預曰在縣西二

里縣西南齊桓有解城左傳僖十五年晉侯有瑕城左

公西伐所登文十二年秦侵晉及瑕杜皮氏有耿鄉尚書祖乙徙

預曰猗氏縣東北有瑕城年晉滅耿杜預曰縣東南有鐵有冀亭左傳僖二年

有耿鄉博物記曰有耿城為不道杜預曰國在縣東北史聞喜邑博物記曰縣

記蘇代說燕王曰下南陽封冀記曰伐韓到乾河郭璞曰縣東北有乾河口但有故

溝處無復水左傳曰僖三十一年晉蒐清源杜預曰

在縣北本曲沃曲沃在縣東北數里與晉相有董池陂

古董澤左傳曰改蒐于有稷山亭縣西五十里左傳

治兵于稷有涑水左傳呂相絕秦有洮水絳邑

杜預曰有翼城左傳隱五年曲沃伐翼永安故彘史

故絳也曰周穆王封造父趙城徐廣曰在陽嘉三年更名杜

永安博物記曰有呂鄉呂甥邑也有霍大山爾雅曰西南之美者有霍山之

有彘城霍杜預曰縣東北有霍大山史記曰原過受神人書

稱余霍大山山陽侯天吏也又蜚廉於山得石棺仍

葬也河北詩魏國有韓亭猗氏地道記曰左傳文十

東垣有王屋山堯水出史記曰魏武侯二年城王垣

北垣有王屋山堯水出博物記曰山在東狀如垣

有壺丘亭

左傳襄元年晉討宋五大夫賓諸瓠丘杜預曰縣東南有壺丘亭

有邵亭

博物記曰縣東九十里有郟邵之阨襄陵晉地道記曰晉武公賈季迎公子樂于陳趙孟殺諸郟邵

曲沃徙此**北屈**

左傳曰二屈杜預曰二當為北屈杜預曰二當為

有壺口山

曰壺口治梁及岐

有采桑津

左傳僖八年晉敗狄于采桑杜預曰縣西南有采桑津

子

左傳曰晉文公居蒲城杜預曰今蒲子縣

濩澤侯國有祁城山

前志曰在縣西

南**端氏**

史記曰趙韓魏分晉封晉端氏

弘農郡

武帝置其二縣建武十五年屬維陽西南四百五十里

九城戶四萬六千八百一十五口十九萬九千一百一十三

弘農

故秦函谷關

左傳曰虢公敗戎于桑田杜預曰在縣東北桑田亭

燭水出

山嶺下谷

有枯樅山

本傳赤眉立盆子于鄭北古今注曰在此山下

有桃丘聚故

桃林

左傳曰守桃林之塞博物記曰在湖縣休與之山

有務鄉

赤眉破李松處**有曹**

陽亭

史記曰章邯殺周章于曹陽晉灼曰縣東十三里又獻帝東歸敗處曹公改曰好陽**陝**

曰自陝以西召公主之

本虢仲國

杜預曰虢都上陽在縣東有虢城

有焦城

故焦國史記曰武王封神農之後於焦

有陝陌

博物記二**鼃池**

穀水出

前志曰出穀陽谷

有二嶠

新安澗水出

博物記曰西漢水出

新安入雒又有孝水見潘岳西征賦

宜陽

有金門山山竹為律管

陸渾西有虢畧

地

左傳僖十五年晉侯賂秦東盡虢畧杜預曰從河曲南行而東盡故虢

盧氏有熊耳

山

山海經曰其上多漆其下多機浮豪之水出焉西北流注于雒其中多美玉多人魚

伊水清

後漢書卷三十九

郡國志

十一

水出晉地道記伊**湖故屬京兆**前志有**有閼鄉**皇覽曰

太子南出葬在閼鄉**華陰故屬京兆**史記曰魏文侯

南秦又改曰寧秦**華陰**故屬京兆三十六年齊侵

陰晉前志曰高帝改曰華陰呂氏春秋九藪曰秦之

陽華高誘曰或在華陰西誘又曰桃林縣西長城是

也晉地道記**有太華山**左傳晉賂秦南及華山山海

曰潼關是也**有太華山**經曰太華之山削成而四方

其高五千仞其廣十里鳥獸莫居有蛇焉名曰肥遺

六足四翼見則天下大旱武王放馬牛于桃林墟孔

安國曰在華山東晉**京兆尹**秦內史武帝改其四縣建武十五年屬雒陽

地道記山在縣西南**京兆尹**西九百五十里決錄注曰京大也天子曰兆

民**十城戶五萬三千二百九十九口二十八萬五千**

五百七十四**長安高帝所都**漢舊儀曰長安城方

亦十三里經緯各長

十五里十三城門九百七十三頃城中皆屬長安令

辛氏三秦記曰長安地皆黑壤城中今赤如火堅如

石父老所傳盡繫龍首山為城皇覽曰**鎬在上林苑**

衛思后葬城東南桐松園今千人聚是**鎬**在

中**孟康曰長安西南有鎬池秦始皇江神反壁曰為**

也皇覽曰文王周公**有細柳聚**前書周亞

冢皆在鎬聚東杜中**有細柳聚**夫所屯處**有蘭池**史

曰秦始皇微行夜出逢盜蘭池三秦記曰始皇引渭

水為長池東西二百里南北三十里刻石為鯨魚二

文**有曲郵**前書高帝征黥布**有杜郵**史記曰白起

安城西有九峻山西有杜**霸陵有枳道亭**前書秦王

山杜預曰畢國在西北**霸陵有枳道亭**子嬰降於

軛道旁地道**有長門亭**前書文帝出長門若見**杜陵**

記曰霸水西**有長門亭**五人於道北立五帝壇

杜預曰古**鄠在西南**杜預曰在鄠縣東決錄注曰鎬

唐杜氏也**鄠在西南**在鄠水東鄠在鎬水西相去二

十五里 **鄭** 史記殺商君鄭龜池鄭桓公封于此 **新豐** 有

驪山 杜預曰古驪戎國韋昭曰戎來居此山故號驪

往即疾風暴雨人理欲上則杳冥失道縣西有白鹿

原周平王時白鹿出案關中圖縣南有新豐原白鹿

在霸 **東有鴻門亭** 前書高帝見項羽處孟康曰在縣

中記云始皇陵北 **及戲亭** 周幽王死處蘇林 **有巖城**

十餘里有謝聚 **藍田出美玉** 三秦記曰有川方三十里其水北

長 陵故屬馮翊 蔡邕作樊陵頌云前漢戶五萬口有十

作虐至光和領戶不盈四千園陵蕃衛商故屬弘

農 帝王世紀曰契所封也左傳哀四年將 **上雒侯國**

有冢領山雒水出故屬弘農 山海經曰雒水出護舉

熊耳山海經曰雒出王城南至相谷西東北 **有菟和**

流去虎牢城西四十里注河口謂之雒內 **有菟和**

山 左傳哀四年楚 **有蒼野聚** 左傳曰昭四年楚左師

司馬軍于菟和 **陽陵故屬馮翊** 軍蒼野杜預曰在縣南

左馮翊 秦屬內史武帝分改名雒陽西六百 **十三城**

戶三萬七千九十口十四萬五千一百九十五 **高陵**

記曰三輔舊治長安城中長吏各在其縣治民 **高陵**

光武東都之後扶風出治槐里馮翊出治高陵 **池陽**

爾雅十藪周有焦穫郭璞曰縣瓠中是也地

史記鬼谷在潁川 **雲陽** 有荆山帝王世紀曰禹鑄鼎

陽城與地記不同 **雲陽** 於荆山在馮翊懷德之南今

其下荆 渠也 役 永元九年復 頰陽 萬年 帝王世紀曰秦獻公

都櫟陽 蓮勺 重泉 臨晉 本大荔 有河水祠 有芮鄉 是也

古芮國與 有王城 史記曰秦厲恭公伐大荔取其王城即此城也左傳晉陰飴甥與秦

伯盟王城杜預曰後 郃陽 永平二年復 夏陽 有梁 改爲武鄉在縣東

山 詩云奕奕梁山在縣西北公羊傳曰河陽之山杜預曰古梁國史記曰本少梁爾雅曰梁山晉望也

龍門山 書曰導河積石歷龍門太史公曰遷生龍門

邑 衙 左傳文二年晉敗秦于彭衙皇覽曰 栗邑 永元

九年復 右扶風 秦屬內史武帝分改 十五城 戶萬七千三百

各決錄曰扶風化也

五十二口九萬三千九十一 槐里 周曰犬丘 又名廢丘

周懿王章 邠所都 高帝改安陵 皇覽曰縣西北 平陵 茂陵

鄠 古扈 豐水出 左傳曰康有豐宮之朝杜預曰有靈臺康王於是朝諸侯 有甘

亭 帝王世紀曰在縣南夏啓伐扈 郃 有郃亭 史記曰

郃徐廣曰今釐鄉又案王恂傳郃之釐亭爲寃鬼報

戮故亭長者也秦是榮縣後省帝王世紀曰秦出公

徙平陽新論曰郃在漆縣其民有會 武功 永平八年

復有太一山 本終南 垂山 本敦物 前志曰 有斜谷 西

賦注曰衰斜谷在長安西南南口 陳倉 三秦記曰秦

衰北口斜長百七十里其水南流 將有兵此山則鳴 汧 有吳嶽

山郭璞曰別名吳山周禮所謂嶽山者本名汧汧水出有回城名回中

來歙開道處渝麋侯國雍左傳邵穆公采邑史記有鴻冢有鐵帝王世紀曰秦

徙都德公桐邑有幽鄉鄭玄詩譜曰幽者公劉自邠而美

陽有岐山左傳椒舉曰成王有岐山之蒐山海經曰其上多白金其下多鐵城水出焉東南流

注于江有周城杜預曰城在縣西北帝王世紀曰周太王所徙南有周源漆有漆水

山海經曰輸次之山漆水出焉郭璞曰漆水出岐山詩云自土沮漆地道記曰水在縣西皇覽曰有師曠冢名師

曠山有鐵杜預曰幽國在東北杜陽永和二年復

詩譜曰周原者岐山陽地屬杜陽地形險阻而原田肥美

右司隸校尉部郡七縣邑侯國百六漢書舊儀曰司隸治

所故孝武廟魏志曰曹公分關中置漢興郡國游楚為太守獻帝起居注曰中平六年省扶風都尉置漢安郡鎮雍榆麋杜陽陳倉汧五縣也

十月十九日午前中

後漢書卷之三十一

郡國志二第二十二

豫州

潁川 汝南 梁國 陳國 魯國

冀州

魏郡 鉅鹿 常山 中山 清河 趙國 勃海 安平

潁川郡

秦置 雒陽東 南五百里

十七城戶二十六萬三千四百

四十口百四十三萬六千五百一十三 陽翟禹所

都

汲冢書禹都陽城古史考曰鄭厲公入櫟即此也 晉地道記曰去雒陽二百八十六里屬河南

有

鈞臺

左傳曰夏啓有鈞臺之享 杜預曰有鈞臺 破帝王世記曰在縣西

有高氏亭

左傳

成十七年衛侵鄭至 高氏杜預曰縣西南

有雍氏城

左傳襄十八年楚伐鄭 侵雍梁杜預曰在

縣東北史記齊湣王十
二年攻魏楚圍雍氏
襄有養陰里 襄城 左傳定

東南有城臯亭 有西不羹 杜預曰有
不羹城 有汜城 杜預曰
在縣南

周襄王 有汾丘 左傳襄十八年楚治兵于汾
所處 杜預曰縣東北有汾丘城 有魚齒

山 左傳謂魚陵杜預曰
魚齒山也在犍縣北 昆陽有湛水 左傳襄十六年

戰於 定陵有東不羹 杜預曰縣西北有不羹亭地
道記曰高陵山汝水所出 舞

陽邑 郟 臨潁 潁陽 潁陰 左傳文九年楚伐
鄭師於狼淵杜預

曰縣西有狼陂獻帝遣御史大夫張音奉皇帝璽綬
策書禪帝位於魏是文帝繼王位南巡在潁陰有司

乃為壇于潁陰庚午登壇魏相國華歆跪受璽綬以
進王既受畢降壇視燎成禮而反帝王世記云魏文

帝登禪于曲蠡之繁陽亭為縣曰繁昌亦禹貢豫州
之域今許之封內今潁川繁昌是也北征記曰城在

許之南七十里東有臺高七丈方五十步臺南有壇
高二丈方三十步即受終之壇也案北征記云是外

黃縣繁昌 有狐宗鄉或曰古狐人亭有岍亭 史記魏
城非也 哀王五

年奏伐魏走犀首 左傳莊二十八年楚伐鄭鄭奔
岍門徐廣曰岍亭許 桐丘杜預曰縣東北有桐丘城

獻帝徙都 新汲 左傳文元年衛孔達侵鄭代縣訾反
改許昌 匡杜預曰縣東北有匡城成十七年

伐齊至曲洧杜預曰 隰陵春秋時曰隰 春秋鄭共叔
縣治曲洧城臨洧水 所保故曰克

段于鄆又成十六年晉敗楚 長社有長葛城 左傳隱
于隰陵李奇曰六國曰安陵 五年宋

代鄭圍長葛縣本名長葛地 有向鄉 左傳襄十一年
道記曰社中樹暴長漢改名 諸侯師于向杜

預曰在 有蜀城有蜀津 史記曰魏惠王元年陽城 帝
縣東北 韓趙合軍伐魏蜀澤 陽城 帝

世紀曰陽城 有嵩高山 山海經謂為太室之山禹貢
有啓母冢 有外方山鄭玄毛詩譜云外

方之山即嵩也孟子曰益辟禹之
子于箕山之陰注云嵩高之北
日頽水出有鐵有負黍聚史記曰周敬王十九年鄭
陽乾山伐負黍馮敬通賦遇許由
于負黍父城有應鄉杜預曰應國在西南史記曰容
山也謂周最以應為秦王太后養地

輪氏建初四年置

汝南郡高帝置雒陽東三十七城戶四十萬四千四

百四十八口二百一十萬七百八十八 平輿有沈

亭故國姬姓有摯亭新陽侯國 西平有鐵有柏亭

故柏國 上蔡本蔡國 南頓本頓國 汝陰本

胡國杜預曰縣西北有胡城地道汝陽 新息國

北宜春 灑強侯國 濯陽 期思有蔣鄉故蔣國

陽安道亭故國杜預曰在縣南袁山松曰有朔山

陽安項故國左傳僖十七年魯所滅地西華 細陽

安城侯國有武城亭 吳房有棠谿亭左傳曰房

所滅又楚封吳王夫槩於 銅陽侯國皇覽曰縣有葛

棠谿地道記曰有吳城 楚武王冢民謂之楚王岑永平中葛陂城北視里社

下於土中得銅鬲而銘曰楚武王之冢民傳言秦項

赤眉之時欲發之 慎陽 慎 新蔡有大呂亭地道

輒頽壞厭不得發 故呂侯國左傳昭四年吳伐楚 安陽侯國有江亭故

入櫟杜預曰縣東北有櫟亭 國嬴姓 富波侯國永元中復 宜祿永元中復

朗陵侯國

左傳成六年楚拒晉桑隧杜預曰縣東有桑里亭

弋陽侯國有黃

亭故黃國羸姓

召陵

左傳昭十三年楚蔡公與于千子暫盟于鄧杜預曰縣西

南有有陘亭

左傳僖四年齊伐楚次陘杜預曰在鄧城南蘇秦說韓宣惠王曰南有陘山

安陵鄉征羗侯國有安陵亭

史記无思說魏安僖王曰王之使者出過

而惡安陵氏于秦博物記曰故安陵君也

思善侯國

宋公國周名鄆丘

漢改爲新鄆章帝建初四年徙宋公於此有繁陽亭

左傳襄四年楚師繁陽亭杜預曰繁陽亭

褒信侯國有賴亭故國

史記

楚封王孫勝白公杜預曰褒信縣有白亭

原鹿侯國

春秋左氏傳僖二十一年宋盟鹿上杜預

曰原鹿縣也

定潁侯國

固始侯國故寢也光武中興更

名有寢丘

史記曰楚莊王封孫叔敖子又蒙恬破楚軍

山桑侯國故屬沛

有下城父聚有垂惠聚

蘇茂奔垂惠王劉紆

城父故屬沛春秋

時曰夷

夷屬陳左傳僖二十三年楚所取有乾谿在縣南

有章華臺

杜預曰章華宮

在華容縣城內

梁國

秦碭郡高帝改其三縣元和元年屬雒陽東南八百五十里

九城戶八萬三

千三百口四十三萬一千二百八十三

下邑

左傳哀七

年築黍丘杜預曰縣西南有黍丘亭

睢陽

北征記曰城周三十七里南臨濊水凡二十四門地道記

曰梁孝王築城十二里小鼓唱節杵下而和之稱睢陽曲

本宋國閔伯墟有盧門

亭

左傳桓十四年宋伐鄭取太宮之椽爲盧門之椽昭二十一年敗吳鴻口杜預曰縣東有鴻口亭地

道記曰昭二十一年有魚門左傳僖二十二年邾人懸公胄于魚門有

陽梁聚左傳襄十三年楚伐宋師楊梁杜預曰有梁亭僖二十八年楚子玉夢河神謂已曰吾賜

亭左傳哀二十六年有綸城少康邑 碭山出文石

史記曰高祖隱於芒碭山蒙帝王世紀曰有北亳即景亳湯所盟處有

蒙澤左傳宋萬殺宋閔公于蒙澤僖二年齊侯盟有

熟有新城左傳曰文十四年諸侯會有邳亭古邳國隰

故屬陳留 寧陵故屬陳留左傳成十六年會沙隨杜預曰縣北有沙隨亭

有葛鄉故葛伯國左傳曰在縣東北薄故屬山陽所都杜預曰蒙

縣西北有薄城中有湯冢左傳宋公子御說奔亳其西又有微子冢

沛國秦泗川郡高帝改維二十一城戶二十萬四百

九十五口二十五萬一千三百九十三 相左傳桓十五年

會于袁杜預曰在縣西南一名犂 蕭本國北征記城周十四里南臨汙水沛有泗水

亭亭有高祖碑班固為文見固集地豐地道記曰去道記有許城左傳定八年鄭伐許

州六百雜于西有大澤高祖斬白蛇於此有枌榆亭

案前志注枌榆社在縣東北十五里或鄉名高祖里

社戴延之西征記曰縣西北有漢祖廟為亭長所處

鄼左傳昭四年吳伐楚入棘杜預曰縣東北有棘亭襄元年鄭侵宋取犬丘杜預曰縣東北有犬丘城

帝王世紀曰曹騰封費 有鄭聚左傳曰冀為不道伐亭侯縣有費亭是也鄭三門服虔曰鄭晉

別都杜預曰是虞邑地處闕則非穀陽譙左傳僖

此鄭矣博物記曰諸侯會于鄭亭漢官曰去維洩有垓下聚高祖

破項羽也取乾谿在南靳有大澤鄉陳涉起此史記曰高祖擊黥布於

銍鄆建平臨睢故芒光武更名竹邑侯國

故竹公丘本膠國杜預曰在縣東南龍亢地道記曰左傳

在縣東南向本國符離紅地道記云左傳昭八年大蒐于紅太丘

杼秋故屬梁國有澶淵聚左傳襄二十一年盟于澶淵

陳國高帝置為淮陽章和二九城戶十一萬二千六

百五十三口百五十四萬七千五百七十二陳帝

世記曰庖犧氏所都舜後所封左傳僖元年會于榿

社預曰縣西北有榿城爾雅曰丘上有丘曰宛丘陳

有株邑蓋朱襄之地博物記曰邛地在縣陽夏有固

陵聚史記高祖五年追項羽至固陵寧平苦春秋

時曰相有賴鄉伏滔北征記曰有老子廟廟中有九

里也地道記曰城柘新平扶樂武平左傳成

諸侯侵陳鳴鹿杜預長平故屬汝南左傳宋華氏戰

曰縣西南有鹿邑于鬼閭杜預曰

縣西北有辰亭左傳宣十一年盟辰陵有赭丘城

魯國秦薛郡高后改本屬六城戶七萬八千四百四

十七口四十一萬一千五百九十魯國奄國帝

後漢書卷三十一 郡國志

六

世記曰黃帝生于壽丘在魯東門之北少昊自窮桑登帝位窮桑在魯北後徙曲阜應劭曰曲阜在魯城中委曲長七八里左傳曰伯禽封少昊之墟僖二十九年介葛盧舍于昌衍杜預曰縣東南有昌平城皇覽曰奄里伯公冢在城內祥舍中
有大庭氏庫杜預曰大庭氏古國名在城內魯於其處作庫
有鐵有關里孔子所居漢晉春秋曰鍾離意相魯見仲尼廟頽毀會諸生於廟中慨然歎曰蒧芾其棠勿翦勿伐况見聖人廟乎遂躬留治之周觀輿服之在焉自仲尼以來莫之開也意發視之得古文策書曰亂吾書董仲舒治吾堂鍾離意壁有七張伯盜一意見尋案未了而卒張伯者治中庭治地得六壁為神意別傳曰意省堂有孔子小車乘皆朽敗意自糶俸顧漆膠之直請魯民治之及護几席劍履後得甕中素書曰護吾履鍾離意又禮記嬰相之圃亦在城中西南近孔子廟而仲尼墓在魯城門北便之外

泗水上去城一里葬地蓋一頃墓墳南北十步東西十三步高一丈二尺墓前有甃甃為祠壇方六尺與地平塋中異木以百數魯人莫能識皇覽曰孔子本無祠堂塋中不生荆棘及刺人艸伯魚冢在孔子冢東與孔子冢近大小相望子思冢在孔子冢南案今墓書孫在祖前謂此為驕孫附
有牛首亭左傳桓十四年
有五父衢地道記曰在城東
騶本邾國有騶山五里秦始皇刻石焉劉蒼騶山記曰邾城在山南去山二里城東門外有韋賢墓北有繹山左傳文十三年邾遷於繹郭璞曰繹山純石積構連屬城北有牙山牙山北有唐口山唐口山北有陽山城北有孟軻冢
蕃有南梁水左傳襄四年戰狐台杜薛本國地道記曰預曰縣東南有目台山
薛本國地道記曰夏車正奚仲所封冢在城南二十里山上皇覽曰靖邾君冢在城中東南阨孟嘗君冢在城中向門東北邊
六國時曰徐州史記曰齊宣王九年與邾相王
下有盜泉

有部鄉城

左傳文公七年城部杜預曰縣南有部鄉城隱元年盟于蔑杜預曰蔑地名縣南有

姑城襄十七年齊圍桃杜預曰縣東南有桃墟

汶陽

左傳桓十二年盟曲池杜預曰縣北有曲水亭

地道記臨淄縣西南門曰曲門其側有池秦魯桓與杞莒盟不往齊地地道記為妄

右豫州刺史部郡國六縣邑侯國九十九

魏郡

高帝置雒陽東北七百里魏志曰建安十七年割河內之蕩陰朝歌林慮東郡之衛國頓丘東

武陽發于鉅鹿之屢陶曲陽南和廣平之廣平任城趙國之襄國邯鄲易陽以益魏郡十八年分置東西

都十五城戶十二萬九千三百一十口六十九萬五

千六百六

鄴

帝王世紀曰縣西南有上司馬殷太

山時時自鳴鳴則兵又交谷水在縣南案本傳有西唐山又鄴北太行山西北去亦不知山所極處亦如

東海不知水所窮盡也

有故大河有滏水

魏都賦曰北臨漳滏則冬夏異沼注云水

經鄴西北滏水熱故名滏口

有汗水有汗城

史記曰項羽破秦軍汗水上

陽城

史記曰平陽別下平陽

有武城有九侯城

徐廣曰一作鬼侯與文王為紂

三繁陽

內黃

左傳襄十九年會于柯杜預注曰縣東北有柯城昭九年荀盈卒于戲陽

杜預曰縣北有戲陽城

清河水出有蕘陽聚

世祖破五校處

魏元城

左傳成七年會馬陵杜預曰縣東墟南有地名馬陵史記曰龐涓死處

故沙鹿

左傳沙鹿崩穀梁傳曰林屬於山曰鹿沙山名也

有沙亭

左傳定七年盟于沙

亭杜預曰在縣東南七年盟于瑣晉地道記曰縣南有瑣陽城

黎陽

左傳定十四年會于牽杜預曰

縣東北有牽城

陰安邑

館陶

清淵

平恩

沙侯國

賦注曰丘丘有葛杜預曰有乾侯武安有鐵即臺孝威隱于

有龍山曲梁侯國左傳宣十五年敗赤狄于曲梁故屬廣平有雞澤左傳襄三

年諸侯會雞澤杜預曰在縣西南梁期

鉅鹿郡秦置建武十三年省廣平國以其縣屬維陽北千一百里十五城戶十萬

九千五百一十七口六十萬二千九十六 廩陶有

薄落亭 鉅鹿故大陸澤有廣阿澤呂氏春秋九藪趙之鉅鹿

高誘注云廣阿澤也山海經曰大陸之水史記紂盈鉅橋之粟許慎云鉅鹿之大橋也鉅鹿南有棘原章

邯所軍處前書曰沙丘臺在縣東北七十里楊氏 鄆 下曲陽有鼓聚

故翟鼓子國杜預曰縣西南有肥累城古肥國白狄別種有昔陽亭左傳昭十

二年晉荀吳入昔陽城取故都也任 南和 廣平 斤

章 廣宗 曲周 列人 廣年 平鄉 南蘇

常山國高帝置建武十三年省真定國以其縣屬十三城戶九萬七千五

百口六十三萬一千一百八十四 元氏晉地道記有石塞三

公塞高邑故鄆光武更名刺史治漢官曰去雒陽一千里有千秋

亭五成陌縣南七里光武即位於此矣 都鄉侯國有鐵

南行唐有石白谷 房子贊皇山在縣西南六十里濟水

所出晉地道記有礫塞中谷塞平棘有塞 樂城在縣西北四十里九門

史記趙武靈王出九門如野臺以望齊中山之境碣石山戰國策云在縣界靈壽衛水出

蒲吾 史記番吾君杜預曰晉之蒲邑也古今注曰永平十年作常山呼沱河蒲吾渠通漕船也

井陘 真定 上艾 故屬太原

中山國 高祖置維陽北 十三城 戶九萬七千四百一

十二口六十五萬八千一百九十五 盧奴 北平

有鐵 母極 新市有鮮虞亭故國子姓 杜預曰白狄別種

望都 左傳晉伐鮮虞及中人杜預曰縣西 唐有中人

亭 博物記曰唐關在中人西北百里中人在縣西四十里列子曰趙襄子使新穉穆子攻翟取左人中

人有左人鄉 帝王世紀曰堯封唐堯山在北唐水西入河南有望都山即堯母慶都所居相

去五十里都山一名豆山博 安國 安熹 本安險章

帝更名 漢昌本苦陘章帝更名 蠡吾侯國故屬

涿 上曲陽故屬常山恒山在西北 有泉水干吉得神書晉地道記

自縣北行四百二十五里恒多山坂名飛狐口 蒲陰本曲逆章帝更名有陽

城 晉地道記曰有陽安關 廣昌故屬代郡

安平國 故信都高帝置明帝名樂成 十三城 戶九萬

一千四百四十口六十五萬五千一百一十八 信

都有絳水呼沱河 阜城故昌城 南宮 扶柳

下博 武邑 觀津 本清河下縣決錄注曰孝文竇皇后父隱身漁釣墜淵而卒景

帝立后為太后遣使者更填父所墜淵而 經西有漳

水津名薄落津史記趙武靈王曰吾國東有河薄落之水堂陽故屬鉅鹿

武遂故屬河間 饒陽故名饒屬涿有無萋亭馮異

進豆粥光武案志有解犢侯靈帝封安平故屬涿 南深國故屬涿

河間郡文帝置世祖省屬信都和帝永元三年復故雒陽北二千五百里十一城戶

九萬三千七百五十四口六十三萬四千四百二十

一 樂成 弓高 易故屬涿 武垣故屬涿 中

水故屬涿 鄭故屬涿 高陽故屬涿有葛城 文

安故屬勃海 東州故屬勃海 成平故屬勃海

東平舒故屬勃海

清河國高帝置桓帝建和二年改為七城戶十二萬

三千九百六十四口七十六萬四百一十八 其陵

故厝安帝更名 具丘 東武城 郟 靈和帝永

元九年復地道記曰繹幕 廣川故屬信都有棘津

城太公呂尚困于棘津城琅邪海曲非此城也案永初元年鄧太后分置廣川王國後王薨國除太后崩還益

清河 趙國秦邯鄲郡高帝改名五城戶三萬二千七百一

十九口一十八萬八千三百八十一 邯鄲張華曰

在邯鄲西山上有叢臺有洪波臺易陽魏都賦曰溫泉

謂之馬服山 後漢書卷三十一 邯鄲志

泉在易陽世以襄國本邢國秦為信都項羽更名有

檀臺史記曰趙成侯魏獻榮掾因以為檀臺有蘇人亭 柏人 中丘

晉地道記曰有石門塞燒梁關

勃海郡高帝置雜陽北千六百里八城戶十三萬二千三百八十

九口百一十萬六千五百 南皮 高城侯國 重

合侯國 浮陽侯國 東光有胡蘇亭胡蘇河之名見爾雅章武

陽信延光元年復 修故屬信都

十月十九日

右冀州刺史部郡國九縣邑侯國百

後漢書卷之三十一

後漢書卷之三十一

郡國志三第二十一

兖州 陳留 泰山 東郡 東平 任城

徐州 東海 瑯琊 彭城 濟陰

陳留郡 武帝置雜陽東 十七城戶十七萬七千五百

二十九口八十六萬九千四百三十三 陳留有鳴

鴈亭 左傳成十六年衛伐鄭鳴鴈杜預曰在縣西北陳留志曰有桐陵亭古桐丘 浚儀本

大梁 帝王世記曰禹避商均浚儀晉地道記儀封人此縣也通俗文曰渠在浚儀曰其蕩也 尉

氏 陳留志曰有陵樹鄉北有澤澤有天子苑固有秦樂廡漢諸帝以馴養猛獸 雍丘本杞

後漢書卷三十一 郡國志

國 陳留志曰城內有神井能興霧電案齊民北征記曰有呂祿臺高七丈有酈生祠曹植禹廟讚曰有

禹祠植移于其 **襄邑有滑亭** 左傳莊二年次于滑 **有**

承匡城 地道記曰在縣西左傳文十一年會晉卻缺于承匡有桐門亭有黃門亭襄元年會鄆杜

預曰縣東 **外黃** 左傳惠公季年敗宋師于黃 **有蔡丘**

聚齊桓公會此城中有曲棘里 左傳昭二十五年有

繁陽城 漢舊儀曰高祖母起兵時 **東昏** 陳留志曰

故戶牖鄉 **濟陽** 有武父鄉左傳桓十二年盟于武父

武城縣都鄉有 **平丘有臨濟亭田儋死此有匡** 匡人

曹公破 **有黃池亭** 陳留志云黃亭在封丘左傳哀十

表術處 **有黃池亭** 三年盟黃池杜預曰在縣南傳曰

吳因于服景伯以還及戶牖然即黃池 **封丘** 博物記

在戶牖西或以為外黃縣東溝非也 **有桐牢亭或曰古蟲牢** 左傳成五年諸侯

即敗狄于 **有桐牢亭或曰古蟲牢** 會蟲牢陳留志有

鞞居古 **酸棗** 左傳鄭太叔至于廩延杜預曰縣北有

棗城東有地烏巢曹公破表紹處 **長垣侯國有匡城**

陳留志曰城內有韓王故宮闕 **長垣侯國有匡城**

陳留志曰孔子囚此北征記城周三里左傳僖十五

年會杜丘次于匡杜預曰匡在縣西南昭十三年會

平丘杜預曰縣 **有蒲城** 左傳成九年會于蒲杜預曰

西有平丘城 **有祭城** 杜預曰鄭祭封人仲邑陳留志

考城故菑 陳留志曰古戴國地名杜預曰戴在外黃東南爾雅曰木立死曰菑呂氏春秋草鬱

即為菑 **章帝更名故屬梁** 陳留志曰有箕子祠有穀亭古句瀆之丘案本傳有蒲亭

圍故屬淮陽有高陽亭 陳留志曰有萬人聚王邑破翟義積尸處前書今高陽文

穎曰高陽聚邑名在縣西 **扶溝故屬淮陽**

東郡 秦置去雒陽八百餘里 **十五城戶十三萬六千八十八口**

六十萬三千三百九十三 **濮陽古昆吾國** 杜預曰古衛也

帝王世記曰顓頊自窮桑徙商丘左傳曰衛顓頊之墟杜預曰帝丘昆吾氏因之故曰昆吾之墟縣城內

有顓頊冢皇覽曰冢在城門外廣陽里中博物記曰桑在其中 **春秋時曰濮有鹹**

城或曰古鹹國 左傳僖十三年同會于鹹 **有清丘** 左傳曰宣十二年盟清丘杜預

曰縣 **有鉏城** **燕本南燕國有雍鄉** 謝沈書曰赤眉攻雍鄉 **有**

胙城古胙國有平陽亭 左傳哀十六年衛侯飲孔悝酒於平陽 **有瓦亭**

左傳曰定八年會于瓦注曰縣東北 **有桃城** 史記曰春申君說秦曰王

白馬有韋鄉 杜預曰縣東南有韋城古豕韋氏之國 **頓丘** 白虎通曰帝

陰野是也 **東阿** 左傳桓十年會于桃丘杜預曰縣東南有桃城襄十四年孫林父敗衛侯于阿澤杜

預曰縣西南大澤 **有清亭** 左傳隱四年遇于清是也 **東武陽濕水**

出 **范有秦亭** 左傳莊三十一年築臺于秦地道記在縣西北 **臨邑有沛廟**

博平 **聊城有夷儀聚** 左傳僖元年邢遷于夷儀 **有聶戚** 左傳

攝以 **發干** **樂平侯國故清** **章帝更名** **陽平侯國**

有莘亭

杜預注傳曰衛作新臺在縣北

有岡成城

秦封

蔡澤為岡成君未詳

衛公國本觀故國姚姓光武更名有河牧

城

左傳文元年會于戚鄭救晉中行氏

有竿城

前書故發

千穀城春秋時小穀

左傳莊三十二年城小穀杜預曰城中有管仲井又傳曰埋長

狄榮如首於周首之北門

有雋下聚

左傳僖二十六年追齊師至鄆

杜預曰縣東北有周首亭

東平國

故梁景帝分為濟東國宣帝改維陽東九百七十五里

七城戶七萬九

千一十二口四十四萬八千二百七十

無鹽本宿

國任姓

左傳昭二十五年臧會奔邱杜預曰縣東南有邱鄉亭

有章城

古國左傳莊三

十年齊取郟

東平陸六國時曰平陸有闕亭

左傳桓十一年會于闕杜

預曰在須昌縣東南有闕城博物記云即此亭是

有堂陽亭

故縣後省

富成

章

壽張春秋曰良漢曰壽良光武改曰壽張有堂聚故

聚屬東郡

地道記曰有蚩尤祠狗城皇覽曰蚩尤冢在縣闕城中高七丈

須昌故屬

東郡杜預曰須昌古國在西北

有致密城古中都有陽穀城

左傳僖三

年會陽穀杜預曰在縣北

寧陽故屬泰山

任城國

章帝元和元年分東平為任城雒陽東千一百里

三城戶三萬六千

四百四十二口十九萬四千一百五十六

任城本

任國有桃聚

光武破龐萌於桃鄉

亢父

左傳襄十三年取郟杜預曰縣有郟亭哀六年

城邾瑕杜預曰樊

泰山郡高帝置雒陽十二城戶八千九百二十九口

四十三萬七千三百一十七 奉高有明堂武帝造

前書曰在縣西南四里左傳昭八年大蒐于紅博有

泰山廟岱山在西北有龜山左傳定十年齊歸龜陰

琴操孔子作有龍鄉城左傳成二年齊圍龍杜預曰

龜山之操蜀之役杜預曰梁南侯國有菟裘聚左傳隱公使營

杜預曰縣南有菟裘城鉅平侯國有亭禪山即古所禪有陽關

亭左傳襄十七年師自陽關桓六年會于贏有鐵山

往侯國萊蕪有原山潘水出杜預曰汶水出葢沂水出左

會于防杜預曰在南武陽侯國有顓臾城 南城故

屬東海有東陽城呂氏春秋夏孔甲遊田于東陽黃

城武城杜預曰南城縣哀十四年司費侯國曹騰封

馬葬丘輿杜預曰縣西北有輿城

縣費亭故屬東海有祊亭左傳隱八年鄭歸祊杜預

非此國曰縣東南閔二年莒人

歸共仲及密杜預有台亭左傳襄十二年莒圍台牟

曰縣有密如亭 故國

濟北國和帝永元二年分泰山置臣昭案濟北前漢

之舊國此是經分泰山復分雒陽東千一百

五十五城戶四萬五千六百八十九口二十三萬五

里

千八百九十七。盧左傳隱三年齊鄭尋盧之盟杜預曰今縣故城有邾山在縣北

成二年封鉞司徒女石窳杜預曰縣東有地名石窳有平陰城左傳襄十八年

齊禦晉平陰塹防門杜預曰在縣北又有光里有景

齊登巫山以望晉師杜預曰在縣東北有光里有景

茲山杜預曰在縣東南有敖山左傳曰先君獻武廢有清亭

左傳哀十一年有長城至東海史記蘇代說燕王曰齊有長城巨防巨防

即防虵丘有遂鄉古遂國左傳莊十三年齊人滅遂有下謹亭左傳桓三

年送姜有鑄鄉城周武王未及下車封堯後於鑄左氏于謹

棘鄉東觀書有芳陘山成本國左傳衛師入邾杜預曰東平剛父縣西南

山陽郡故梁景帝分置維十城戶十萬九千八百九

十八口六十萬六千九十一。昌邑刺史治有梁丘

城左傳莊三十二年遇于梁丘有甲父亭杜預曰甲父古國名

在縣東南左傳隱十年取東緡春秋時曰緡左傳僖二十三年

年齊緡鉅野左傳桓七年焚咸丘有大野澤春秋西狩獲麟之所

爾雅十藪魯有大野杜預曰縣西有咸亭高平侯國故橐章

南有耶亭定十三年齊伐晉之所高平章帝復莽此號左傳

帝更名前漢志王莽改曰高平章帝復莽此號左傳

有茅鄉城杜預曰茅鄉湖陸故湖陵章帝更名前漢志王

莽改曰湖陸章帝復其號博物記曰苟水南平陽侯

國有漆亭

左傳

有閭丘亭

左傳襄二十一年邾庶其以漆閭丘來奔杜預曰縣

亭

左傳桓二年盟于

魯侯觀魚臺

春秋經隱五年

有泥

母亭

或曰古窳母

左傳僖七年盟窳母杜預曰在縣東三十一年臧文仲宿重館杜預

曰縣西北

瑕丘

金鄉

晉地道記曰縣多山所治名

有重鄉城

餘丈隧長三十丈傍却入為室三方云得白兔不葬更葬南山鑿而得金故曰金山故冢今在或云漢昌

邑所作或

防東

濟陰郡

故梁景帝分置

十一城戶十三萬三千七百

一十五口六十五萬七千五百五十四

定陶本曹

國

郭璞曰城中有陶丘皇覽曰伯樂冢縣東南一里所高四五丈

古陶堯所居

帝王世紀

曰舜陶河濱縣

有三醜亭

湯伐三醜孔安

寃句有蕘

棗城

史記蘇秦說魏襄王曰大

成陽有堯冢靈臺有

雷澤

禹貢曰雷夏既澤帝王世紀曰舜耕歷山漁雷澤濟陰有歷山

乘氏侯國

博物記曰

丘

有泗水有鹿城鄉

句陽有垂亭

左傳隱八年

無忌說魏安僖王曰文臺隳垂都焚徐廣曰縣有垂亭

鄆城

離狐故屬東郡

廩丘故屬東郡有高魚城有運城

左傳襄二十六年齊烏餘以廩

丘奔晉注曰今縣故城是又襲衛羊角取之注

單父

侯國故屬山陽

成武故屬山陽

左傳隱七年戎執凡伯於楚丘杜預

曰在縣西南 **有郃城** 左傳隱十年取郃杜預曰縣東南有郃城地道記有程城 **已氏故**

屬梁 皇覽曰有平和鄉鄉有伊尹冢

右交州刺史部郡國八縣邑公侯國八十

東海郡 高帝置雒陽東千五百里 **十三城戶十四萬八千七百八**

十四口七十萬六千四百一十六 **郟本國刺史治**

博物記曰有勇王亭即勇士萬丘欣 **蘭陵有次室亭** 地道記曰故魯次室邑列女傳有漆

作次室 **戚** **胸** 山海經曰都洲在海中一曰郁州郭璞曰在縣界世俗傳此山在蒼

梧徙來上皆有南方樹木博物記 **有鐵有伊盧鄉** 史縣東北海邊植石秦所立之東門

曰鍾離昧 **襄賁** **昌慮有藍鄉** 左傳昭三十一年邾黑肱以濫來奔杜預

曰縣所治城東北有 **承** **陰平** **利城** **合城** 鄒水

南至 **祝其有羽山** 殛鯀之山杜預曰在縣西南博物

羽泉也俗謂此山為懲父山 **春秋時曰祝其夾谷地** 左傳定十年會齊侯夾谷

孔子 **厚丘** 左傳成九年城中城杜預 **贛榆本屬琅邪**

建初五年復 左傳齊伐莒莒子奔紀鄆杜預曰縣東

步有秦始皇碑長一丈八尺廣五尺厚八尺三寸 **琅邪國** 秦置建武中省城陽國以其縣屬秦本紀 **十**

一行十三字潮水至加其上三丈去則三尺見也 **三城戶二萬八百四口五十七萬九百六十七** **開**

陽 杜預曰古郟左傳哀三年城啓陽杜預曰開陽 **故屬東海建初五年屬東**

武琅邪 山海經云有琅邪臺在勃海間琅邪之東郭璞曰琅邪臨海邊有山嶠嶠特起狀如

高臺此即琅邪臺齊景公曰吾循海而南放乎琅邪越紀曰句踐徙琅邪起觀臺臺周七里以望東海史記曰秦始皇徙黔首三萬

戶琅邪臺下傳有勞山 **東莞有鄆亭** 左傳曰有鄆

鄉有公來山或曰古浮來 左傳隱八年盟浮來杜預曰邳來山之間號曰邳來

莊九年鮑叔受管仲及堂阜而脫之杜預曰東莞蒙陰縣西北有夷吾亭或曰鮑叔解夷吾縛于此因以為名即古堂阜 **西海** 東觀書曰有勝山博物記太公

也東莞後為名 **諸** 左傳莊二十九年城諸杜預曰諸縣在城

浦今存 **莒本國故屬城陽** 左傳成八年申公巫臣會

有婁鄉 **有鐵有崢嶸谷** **東安故屬城陽** **陽都故屬城陽**

有平臺 左傳宣元年會于平 **臨沂故屬東海有叢亭**

左傳隱六年盟于艾杜預曰縣東南有艾山七年城中丘杜預曰縣東北有中丘亭博物記曰縣東界次

睢有太叢社民謂之 **即丘** 侯國故屬東海春秋曰祝

食人社即次睢之社 **丘** **繒侯國故屬東海有概亭** 左傳莊九年盟于

幕 左傳昭五年莒牟夷以牟婁及防茲來奔杜預曰

縣東北有茲亭博物記曰淮水入城東南五里有

公冶長墓 **彭城國** 高祖置為楚章帝改維 **八城戶八萬六千一**

百七十口四十九萬三千二十七 **彭城** 古大彭邑

西二十里有山山有楚元王墓伏滔北征記曰城北六里有山臨泗有宋桓魋石櫛皆青石隱起龜龍麟

鳳之有鐵武原傳陽有祖水左傳襄十年滅偃陽杜預曰即此縣

也呂留西征記曰城中有張良廟梧舊丘廣戚故屬沛國

廣陵郡景帝置為江都武帝更名建武中省泗水國以其縣屬雒陽東一千六百四十里十

一城戶八萬三千九百七口四十一萬百九十廣

陵吳王濞所都城周十四里半有東陵亭博物記曰女子杜姜左道通神縣以為妖閉獄

以其處為廟祠號曰東陵聖母江都有江水祠

高郵平安凌故屬泗水東陽故屬臨淮有

長洲澤吳王濞太倉在此縣多麋博物記曰十千為羣掘食草根其處成泥名

曰麋駿民人隨此駿種稻不耕而獲其收百倍又扶海洲上有草名蒚其實食之如大麥從七月稔熟民

斂穫至冬乃訖名曰射陽故屬臨淮有梁湖地道記曰有博支湖

鹽漬故屬臨淮與侯國故屬臨淮堂邑故屬臨

淮有鐵春秋時曰堂海西故屬東海

下邳國武帝置為臨淮郡永平十五年更為下邳國雒陽東千四百里十七城戶十

三萬六千三百八十九口六十一萬一千八十三

下邳本屬東海戴延之西征記曰有沂水自城西西南注泗別下邳城南亦注泗舊有橋

處張良與黃石公會此橋葛嶧山本嶧陽山山出名桐伏滔北征記曰今繁根往往而

存有鐵徐本國有樓亭或曰古萋林杜預曰在僮縣東南伏滔

北征記曰縣北有大家僮侯國睢陵下相淮

徐君墓延陵解劍之處

陰下鄉有南昌亭 淮浦 盱台 高山 潘旌 淮

陵 取慮有蒲始陂左傳昭十六年齊師至蒲 東城

曲陽侯國故屬東海 司吾侯國故屬東海 良

城故屬東海春秋時曰良左傳昭十三年 夏丘故屬

沛

右徐州刺史部郡國五縣邑侯國六十二魏氏春秋

曰初平三年分瑯邪東海為城陽新城 昌慮郡建安十一年省昌慮并東海

後漢書卷之三十一

後漢書卷之三十二

郡國志四第二十二

青州 濟南 平原 樂安

荊州 南陽 南郡 江夏 零陵

揚州 九江 丹陽 廬江

濟南郡故齊文帝分維 十城戶七萬八千五百四十

四口四十五萬三千三百八 東平陵有鐵有譚城

有天山 著 於陵杜預曰縣西北有于亭 臺

管有賴亭左傳襄六年公如賴 土鼓 梁鄒 鄒平東朝陽

有紀亭古紀國 營陵 平壽有斟城 杜預曰有斟亭古斟國故

縣後有寒亭古寒國浞封此 都昌 左傳莊元年齊遷紀之鄆城地

道記曰鄆城在縣西安丘有渠丘亭 地記曰有渠丘城淳于永元九年

復有密鄉 左傳隱二年紀莒盟密平昌侯國故屬琅

邪有萋鄉 左傳昭五年莒夷以牟婁及防朱虛侯

國故屬琅邪永初元年屬 左傳莊元年齊遷紀鄆杜預曰朱虛縣東南有鄆城

鄭志曰有小泰山公玉帶曰岐伯令黃帝封泰山即此山也東安平故屬菑川六

國時曰安平有鄆亭 故兆左傳莊三年紀季以鄆入于齊地道紀有羗頭山 高

密侯國 昌安侯國安帝復 夷安侯國安帝復

膠東侯國 即墨侯國有棠鄉 左傳襄六年圍棠杜預曰棠國也壯

武安帝復 故夷國左傳隱元年紀伐夷下密安帝復拒 地記曰養澤在西

幽州藪有萊山萊玉祠觀陽

東萊郡 高帝置雒陽東三千二百二十八里十三城戶十萬四千二百

九十七口四十八萬四千三百九十三 黃 地記曰縣東

二百三十里至海中連岑有土道秦始皇登此牟平

愆侯國 地記曰有百枝萊君祠三齊記曰南山有蹲犬山似犬蹲有神劉寵出西都經此山山犬

吠之寵曰山神謂我也曲成侯國 前書禱萬里沙在縣掖侯國有過鄉 故

當利侯國 東牟侯國 昌陽 盧鄉長廣故屬

琅邪 黔陬侯國故屬琅邪有介亭左傳襄二十四年伐莒浸介根

杜預曰縣東北葛盧有尤涉亭 不期侯國故屬琅

邪三齊記曰鄭玄教授不期山山下生草大如籬葉長一尺餘堅刃異常土人名曰康成書帶

齊國秦置維陽東六城戶六萬四千四百一十五口

十九萬一千七百六十五 臨菑本齊刺史治爾雅十藪

齊有海隅郭璞曰海濱廣斥左傳齊成葵丘杜預曰在縣西皇覽曰呂尚冢在縣城南去縣十餘里在齊

桓公冢南菑水南桓公冢西北有晏嬰冢孟子注曰南小山曰牛山博物記曰縣西有表婁 西安

有棘里亭杜預曰在縣東有蘧丘里古渠丘 昌國

臨朐有三亭古邾邑左傳莊元年齊所徙杜預曰在縣東南應劭曰伯氏邑也

地道記曰廣 般陽故屬濟南

右青州刺史部郡國六縣六十五

南陽郡秦置維陽南七百里三十七城戶五十二萬八千五百

五十一口二百四十三萬九千六百一十八 宛本

申伯國荊州記曰郡城周三十六里博物記有申亭南都賦注有玉池澤陂有南就聚

有瓜里津東觀書曰鄧奉拒光武瓜里有夕陽聚袁山松書曰賈復從擊鄧奉追

至夕有東武亭 冠軍邑 葉有長山曰方城杜預曰方

城山在縣南屈完曰楚國方城以為城皇覽曰縣西北去城三里葉公諸梁冢近縣祠之曰葉君丘有

卷城左傳昭二十五年新野有東鄉故新都王莽封也有

黃郵聚

吳漢破秦豐地

章陵故春陵世祖更名

古今注曰建武十八年使

中郎將耿遵築城

有上唐鄉

前志曰故唐國下江兵荆州軍

西鄂

有精山朱儁破孫夏

山海經曰有豐山神耕父處之常遊清冷之淵出入有光見即其國為敗有九鍾焉是知霜鳴郭璞曰清冷降則鍾鳴故言知也物有自然感應而不可為也南都賦注耕父旱鬼也皇雉博物記魯陽有魯山前覽曰王子朝冢在縣西

堵陽

博望

舞陰邑

比陽

復陽侯國有杏聚

平氏桐柏大復山淮水出

前書曰在縣南荆州記曰桐柏淮源涌發其中

潛流三十里東出大復山南山南有淮源廟博物記曰有陽山出紫草

有宜秋聚

伯升見下

棘陽

荆州記曰東北百里有謝城

有藍鄉

伯升襲甄阜處

有黃淳聚

伯

升攻梁丘賜杜預曰蓼國湖陽是在東南前志蓼國湖陽是

湖陽邑

荆州記曰樊重母畏雷為石室避之

悉以文石為階今存

隨

古隨

西有斷地丘

即銜珠之地也杜預曰有賴亭左傳僖十五年齊伐厲在縣北帝王世記曰神農氏起列山謂

列山氏今隨厲鄉是也荆州記曰縣北界有重山山有一穴云是神農所生又有周迴一頃二十畝地外有兩重壑中有九井相傳神農既育九井自穿汲一井則眾井動即此地為神農社年常祠之

東陽聚

朱祐破張成處

涅陽

陰

鄴

鄧有鄴聚

左傳桓九年楚

師圍

山都侯國

酈侯國

荆州記曰縣北八里有菊馨又中有三十家不復穿井即飲此水上壽百二十

中壽百餘七十者猶以為天漢司空王暢太傅袁隗

為南陽令縣月送三十餘石飲食澡浴悉用之太尉胡廣父患風羸南陽恒汲飲此水疾遂瘳此菊莖短葩大食之其美異於餘菊廣又收其實種之京師遂處處傳植之

鉗盧注 **蔡陽侯國** 襄陽耆舊傳曰有松子亭下有神曰在縣 **穰** **朝陽** 南都賦

稱 **安衆侯國** 博物記曰有士 **筑陽侯國** 有 **涉都鄉** 杜

曰穀國在縣北博物記曰今穀亭荆州 **武當** 有 **和城**

聚 荆州記曰縣有女思 **順陽侯國** 故 **博山** 有 **須聚**

成都 **襄鄉** **南鄉** **丹水** 故屬 **弘農** 南鄉丹水二

儀與楚商 **有章密鄉** 有 **三戶亭** 左傳哀四年晉 **析故**

於之地 **屬弘農** 故 **楚白羽邑** 左傳昭十八年 **有武關** 在縣西

南都賦曰武關在其西 **有豐鄉城** 左傳哀四年司馬

文穎曰去縣百七十里 **南郡** 秦置雒陽南 **十七城** 戶 **十六萬** 二千五百七十

縣北有龍淵深不測 **口七十四萬** 七千六百四 **江陵** 史記曰楚熊渠立

張瑩曰今江陵也皇覽曰 **有津鄉** 左傳莊十九年楚

孫叔敖冢在城中白土里 **治父縣** 北十餘里有紀南城楚王所都東南有郢城

記曰縣東三里餘有三湖湖東有水名長谷又西北

有小城名曰治父左傳曰莫敖縊于荒谷羣師囚于

子囊所城史記蘇秦說楚威王楚東有夏州左傳楚

莊伐陳鄉取一人以歸謂之 **巫西** 有 **白帝城** 郭璞曰

秭歸本國 杜預曰夔國荆州記曰縣北一百里有屈

平故宅方七頃累石為屋基今其地名樂

平宅東北六十里中盧侯國襄陽耆舊傳曰古盧戎也

有數百匹馬出其中馬形皆小似巴滇馬三國時陸遜攻襄陽又值此穴中有數十匹馬出遜載還建業

蜀使來有五部兵家滇池者識其馬色云亡父所乘對之流涕荆州記云是析縣馬頭山又縣南十五里

有陵水東流注沔水中有物如馬甲如鮮鯉不可入七八月中好在磧上自曝膝頭如虎掌爪小兒不知

欲取弄戲便殺人或曰生得者編有藍口聚下江兵所據左

傳鬪績以權叛楚遷於那處當陽杜預曰縣東有權城楚武王所剋荆

州記曰縣東南有麥城城東有盧城沮水華容侯國

西有磨城伍子胥造此二城以攻麥城雲夢澤在南杜預曰州國在縣東枝江縣有雲夢城

縣東南亦有雲夢巴丘湖江南之雲夢也襄陽有阿

爾雅十藪楚有雲夢郭璞曰巴丘湖是也

頭山岑彭破張楊襄陽耆舊傳曰縣西九里有方山父老傳云交甫所見玉女游處其山下曲隈

是也荆州記曰襄陽舊楚之北津從襄陽渡江經南陽出方關是周鄭晉衛之道其東津經江夏出平澤

蔡關是通陳印侯國有犁丘城朱祐禽秦宜城侯國

齊宋之道郡侯國永平元年復左傳楚文王伐羅國後徙枝江

曰縣東南臨沮侯國有荆山山海經曰其陽多鉄其有湫城

州記曰西北三十里有清谿谿北即荆山首曰景山即卞和抱璞之處南都賦注曰漢水至荆山東別流

為滄浪枝江侯國本羅國有丹陽聚夷陵有荆門破楚屈旬遂

之水夷道荆州記曰縣西北有宜夷道夷陵有荆門岑彭

取丹夷道荆州記曰縣西北有宜夷道夷陵有荆門岑彭

陽夷道荆州記曰縣西北有宜夷道夷陵有荆門岑彭

夷道夷道荆州記曰縣西北有宜夷道夷陵有荆門岑彭

楚考烈王納州于秦限山故屬武陵

江夏郡高帝置雒陽南千五百里十四城戶五萬八千四百三十

四口二十六萬五千四百六十四 西陵 西陽

軼侯國杜預曰古邳國在東南有邳城郟史記曰無忌說魏安僖王曰秦不敢攻冥阨之塞徐

廣云即此縣也竟陵侯國有鄖鄉左傳桓十一年鄖人軍蒲騷立章山本

內方荆州記曰山高三十丈周迴百餘里縣東有申水左傳楚公子北為王次魚陂杜預曰在縣西

北雲杜杜預曰縣東南有鄖城故國沙羨邾地道記曰楚滅邾徙其君此城下雒

靳春侯國 鄂平春侯國 南新市侯國案本傳有離鄉聚綠

林安陸

零陵郡武帝置雒陽南三千三百里十三城戶二十一萬二千二

百八十四口百萬一千五百七十八 泉陵 零陵

陽朔山湘水出羅含湘中記曰有營水有洮水有雍水有偽水有泊水有資水皆注湘營道南有九疑山

舜之所葬郭璞山海經注曰其山九谿皆相似故曰九疑湘州榮陽郡記曰山下有舜祠故老相傳舜登

疑營浦榮陽郡記曰縣南三里餘冷道有春洮陽都

梁有路山 夫夷侯國故屬長沙 始安侯國始安郡記

曰縣東有駁樂山東有遼山重安侯國故鍾武永建三年更名

湘鄉 昭陽侯國荆州記曰縣東有漁父廟丞陽侯國故屬

後漢書卷三十三 郡國志

長沙

桂陽郡

高帝置上領山在維陽南三千九百里

十一城戶十三萬五千

二十九口五十萬一千四百三

榔有客嶺山

湘中記曰

項籍徙義帝于郴而害之今有義陵祠又縣南十數里有馬嶺山山有仙人蘇耽壇荆州記曰城南六里縣西北有溫泉其下流有數十畝田常十月二月下種明年三月新穀便登一年三收

有鐵

陰山

南平

臨武

桂陽

含淮

澧陽

有柞領山

始興郡記有吳山

曲江

始興郡記縣北有臨沅山

漢寧永和元年置

年置

武陵郡

秦昭王置名黔中郡高帝五年更名維陽南二千一百里先賢傳曰晉代太守趙厥問主

簿潘京曰貴郡何以名武陵京曰鄙郡本名義陵在辰陽縣界與夷相接為所攻破光武時移東出遂得見全先識易號傳曰止戈為武高平曰陵於是改名焉臣昭案前書本名武陵不知此對何據而出荆州記曰郡社中木庶樹是光武種至今也

二口二十五萬九百一十三

臨沅

荆州記曰縣南臨沅水水源出

荆荆且蘭縣至郡界分為五谿故曰五谿蠻

漢壽故索陽嘉三年更名刺

史治

漢官儀曰去維陽二千里

孱陵

魏氏春秋曰劉備在荆州所都改曰公安

零陽

充沅陵先有壺頭山

馬援軍渡處有松梁山山有石開處數十丈其上名曰天

辰陽

酉陽

遷陵

鐔成

沅南建武二十六

年置作唐

長沙郡秦置雒陽南十三城戶二十五萬五千八百

五十四口百五萬九千三百七十二 臨湘 攸

茶陵 安城 鄴荆州記曰有鄴湖周迴三里取湖水為酒酒極甘 鄯湘東記曰縣西

南毋山周迴四百里 湘南侯國 衡山在東南郭璞曰山别名岫

有玉牒禹案其文治水遙望衡山如連道 昭陵

陣雲沿湘千里九向九背迺不復見 益陽荆州記曰縣南十里有平岡岡有金井數百淺

輒便 下雋羅帝王世紀曰有黃陵亭湘中記 醴陵荆州

記曰縣東四十里有大山山有三石室室中有石牀 石函父老相傳皆有道士學仙此室即合金沙之函

容陵

右荆州刺史部郡七縣邑侯國百一十七魏氏春秋

建安二十四年吳分巫秭歸為固陵郡二十五

年分南郡之巫秭歸夷陵臨沮并房陵上庸西城七縣為

九江郡秦置雒陽東十四城戶八萬九千四百三十

六口四十三萬二千四百二十六 陰陵 壽春漢

云刺史治去雒陽千浚適左傳哀十二年會吳于橐

三百里與志不同 成德 西曲陽 合肥侯國 歷陽侯國

宋均傳縣有 刺史治 當塗有馬丘聚徐鳳反於此帝王世紀曰

山皇覽曰楚大夫子思冢在縣東全椒 鍾離侯國

山鄉西去縣四十里子思造芍陂

阜陵 下蔡故屬沛 左傳成七年吳入州來杜預曰下蔡縣 平阿故

屬沛有塗山 應劭云山在當塗左傳穆有塗山之會 義成故屬沛

丹陽郡 秦郡郡武帝更名雒陽東二千一百六十里建安十三年孫權分新都郡 十六城

戶十三萬六千五百一十八口六十三萬五百四十

五 宛陵 溧陽 丹陽 故鄣 秦郡郡所治吳與記曰中平年分縣 於潛

南置安吉縣光和末張角亂此鄉守險助國 漢嘉之故立縣中平二年又分立原鄉縣

涇歙 山海經曰三天子鄣山在閩西海北郭璞曰在縣東今謂之三玉山魏氏春秋有安勒烏邪山

黟 魏氏春秋有林歷山 陵陽 陵陽子明得仙於此縣山故以為名 蕪湖中江在西

左傳襄三年楚子伐吳剋 秣陵 其地本名金陵秦始皇

權改曰建業十 南有牛渚 湖熟侯國 句容 江

七年城石頭 乘 春穀 石城

廬江郡 文帝分淮南置建武十年省六安國以其縣屬雒陽東一千七百里 十四城 戶

十萬一千三百九十二口四十二萬四千六百八十

三 舒有桐鄉 古桐國左傳昭五年吳敗楚 雩婁侯

國 尋陽 有置馬亭劉 南有九江東合為大江 釋慧遠廬

山記略曰山在尋陽南南濱宮亭湖北對小江山去小江三十餘里有匡俗先生者出殷周之際隱遯潛居其下受道於仙人而共嶺時謂所止為仙人之廬而命焉其山大嶺凡七重圓基周迴垂三五百里其南嶺臨宮亭湖下有神廟七嶺會同莫升之者東南有香爐山其上氛氲若香煙西南中石門前有雙闕

壁立千餘仞而瀑布流焉其中鳥獸艸木之美靈藥
芳林之奇所稱名代豫章舊志匡俗字君平夏禹之
苗裔潛左傳曰昭三十一年吳人侵楚伐夷侵潛
也六楚沈尹戌帥師救潛是也潛有天柱山臨

湖侯國 **龍舒侯國** **襄安** **皖** **有鐵** **居巢侯國** **皇覽**

曰范增冢在郭東又庭中亞父井吏民皆祭亞父於
居巢庭上長吏初視事皆祭而後從政後更造祠於

東廣志曰 **六安國** 皇覽曰臯 **蓼侯國** **安豐** **有大別**

有二大湖 **山** 左傳昭二十三年吳敗諸侯之師 **陽泉侯國** 廣志

于雞父杜預曰縣南有雞備亭 **安風侯國** 曰有

會稽郡 秦置本治吳立郡吳乃移 **十四城戶十二萬**

三千九十九口四十八萬一千一百九十六 **山陰** 越絕

曰句踐小城山陰是也稷山者句踐齋戒臺吳越春
秋曰句踐築城巴成怪山自至怪山者琅邪海中山

也一夕自來 **會稽山在南上有禹冢** 山海經曰會稽

故各怪山 **有浙江** 郭璞注山海經曰江出歙

金玉下多珉石郭璞曰有禹井 **鄧鳥傷** 越絕曰有常山古聖所采藥高且神英

縣 **諸暨** 越絕曰與平二 **餘暨** 越絕曰西施之所出謝

山 **太末** 左傳謂姑蔑初平三年分縣南鄉為長

注有蕭山 **潛水出焉** 建安四年孫氏分立豐安縣 **新安縣**

年立遂昌縣東陽記縣龍丘山有九石特秀林表色

丹白遠望盡如蓮花龍丘長隱居於此因以為名其
峯際復有巖穴外如憲牖中有石林巖前有 **上虞** 漢

一叢樹其實甚甘非山中自有莫知誰植 **始寧縣** **剡餘姚句章** 山海經曰餘句之山無艸木

分南鄉立 **多金玉郭璞曰山在餘姚南**

後漢書地理志卷之三 郡國志

句章北故二縣因以為名句踐欲

遷吳王於甬東章昭曰縣東洲

鄞章安故治閩越

地光武更名

浦鄉章帝章和元年立未詳

永寧永和

三年以章安縣東甌鄉為縣

東部侯國

吳郡

順帝分會稽置維

十三城戶十六萬四千一百

六十四口七十萬七百八十二

吳本國

越絕曰吳

所造周四十七里二百一十步二尺

又有伍子胥城

居巢城昌門外闔閭冢虎丘穹隆赤松子所取赤石

脂也去縣二十里有鹿湖麗谿城又石城闔閭置美

山虞山巫咸山皇覽曰縣東門外孫武冢又要離冢

縣西

震澤在西後名具區澤

爾雅十藪吳越之間有

也中有句山山下有洞庭穴道潛行水底去無所不通號為地脉越絕書曰湖周三萬六千頃又有六雷

山小雷山周處風土記曰舜漁澤之所臣昭案此儼

在成陽是也又吳伐越敗之夫椒杜預曰太湖中椒

山是

海鹽

案今計偕簿縣之故治順帝時陷而為湖

也

烏程

左傳襄三年楚伐吳至於衡山杜預曰在縣南

或云丹陽縣之橫山去鳩茲不遠子重所至也

吳興記曰縣西北其山有項籍祠與

餘杭

顧夷曰秦

平二年太守許貢奏分縣為永縣

稽經此立為縣史記曰始皇臨浙江水波惡乃西北

二十里從狹中度徐廣曰餘杭也臣昭案始皇所過

乃在錢塘富春豈

昆陵李札所居北江在北

越絕曰

近餘杭之界乎

在荒地上海中蒙者季子冢

丹徒

春秋曰

也各延陵墟皇覽曰暨陽鄉

王孫開所立以備春申君使其子守之子死遂葬城中富春陽羨邑郭璞曰縣有張

公山洞密無錫侯國史記曰春申君城故吳墟以自

有二堂太伯冢在吳縣北梅里聚去城十里太伯始所居地

名句吳臣昭案無錫縣東皇山有太伯冢民世修敬

馬去墓十里有舊宅井猶存臣昭以為即宅為置廟

不如皇覽所說也越絕曰縣西龍尾陵道春申君初

封吳所造臣昭案今見婁

在自是山名非築陵道

豫章郡高帝置雒陽南二十一城戶四十萬六千四

百九十六口百六十六萬八千九百六豫章記曰新

縣並中立豫章縣建安立**南昌**豫章記曰江淮唯

上蔡民分徙此地立名上蔡

縣是**建城**此地立名上蔡者豫章記曰縣**新淦**宜

春**廬陵**與平元年孫策**贛**有豫章水**雩都****南**

野有臺**領山****南城****鄱陽**有鄱水黃金采建安

年孫權分立**歷陵**有傳易山**餘汗****鄒陽****彭澤**

彭蠡澤在西**柴桑****艾**左傳哀二十年吳**海昏**

侯國在昌邑城豫章記曰城東十三里縣列江邊名

輒憤慨而還**平都侯國****故安平****石陽****臨汝**永元八

故謂之慨口**年置****建昌**永元十六年分海昏置**右楊州刺史部郡六縣邑侯國九十二**

後漢書卷三十一

後漢書卷之三十二

十一月二十日也

古

48-11151

